

州志卷之七上

人物



宦蹟 儒行 義烈 義行 孝子 文苑

隱逸 飲賓 游寓 方伎 仙釋

禹郡山川盤迴風土清淑磅薄鬱積著為備人炳如日星昭若雲漢後先接踵光耀史冊而或姓氏不彰者又不知凡幾矣夫地氣厚則習俗善禹人簡重好義多長者風以尚概今猶古也表錄可弗詳

與志人物

禹州志 人物 卷之七上

宦蹟

周

張開地櫟邑人韓相

張平櫟人開地子相韓二世卒葬城南三峯山之首韓非者韓之諸公子也喜刑名法術之學而其歸本於黃老非為人口吃不能道說而善著書與李斯俱事荀卿斯自以為不如非非見韓之削弱數以書見韓王韓王不能用於是韓非疾治國不務修明其法制執勢以御其臣下富國強兵而以求人任賢反舉

浮淫之蟲而加之於功實之上以爲儒者用文亂法而俠者以武犯禁寬則寵名譽之人急則用介冑之士今者所養非所用所用非所養悲廉直不容於邪枉之臣觀往者得失之變故作孤憤五蠹內外儲說林說難十餘萬言人或傳其書至秦秦王見其書歎曰嗟呼寡人得見此人與之遊死不恨矣李斯曰此韓非之所著書也秦因急攻韓韓王始不用非及急乃遣非使秦秦非信用李斯姚賈害之毀之

曰韓非韓之諸公子也今二欲并諸侯非終爲韓不爲秦此人之情也今王不見人留而歸之此自遺患也不如以過法誅之秦王以爲朕下吏治非李斯使人遺非藥使自殺韓非欲自陳不得見秦王後悔之使人赦之非已死矣

呂不韋陽翟大賈也秦昭王四十年安國君爲太子有子二十餘人所甚愛姬立以爲正夫人號曰華陽夫人無子中男名子楚質於趙秦數攻趙趙不甚理子楚車乘進用不饒居處困不得意不韋賈邯鄲見而憐之曰此竒貨可居乃往見子楚曰韋能大子之

門子楚笑曰且自大君之門不意曰吾門待子門而
大子楚心知所謂引與深語不意曰秦王老矣安國
君得爲太子竊聞所愛幸華陽夫人無子能立嫡嗣
者獨華陽夫人耳今子兄弟二十餘人子又居中不
甚見幸卽大王薨安國君立爲王則子無幾得與長
子及諸子在前者爭爲太子矣子楚曰朕爲之奈何
不意曰子貧客於此非有以奉獻於親及結賓客也
請以千金爲子西遊事安國君及華陽夫人立子爲
嫡嗣子楚頓首曰必如母言請得分秦國與君共之

不意乃以五百金與子楚子楚進用結賓客復以五百
金買奇物玩好自奉而遊秦求見華陽夫人姊以其
物獻華陽夫人因言子楚賢智結諸侯客遍天下常
曰楚也以夫人爲天日夜泣思太子及夫人夫人大
喜不意因使其姊說夫人曰以色事人者色衰而愛
弛今夫人事太子甚愛而無子不以此時蚤自結於
諸子中賢孝者舉立以爲嫡而子之後雖欲開一言
尚可得乎今子楚賢而自知中男也次不得爲嫡自
附夫人夫人誠以此時拔以爲嫡則竟世有寵於秦

矣華陽夫人以爲朕承太子間從容言子楚賢因涕
泣曰妾不幸無子願得子楚立爲嫡嗣以托妾身安
國君許之乃與夫人厚饋遺子楚而請不韋傅之不
韋取邯鄲諸姬善舞者與居知有身子楚見而說之
因爲壽請之不韋欲以釣竒遂獻其姬姬自匿有身
至大期時生子政遂立以爲夫人秦昭王使王齮圍
邯鄲子楚與不韋謀行金六百斤予守者吏亡赴秦
軍得歸秦子楚夫人母乙以匿得活秦昭王薨安國
君立爲王華陽夫人爲王母子楚爲太子趙亦奉子
楚夫人及子政歸秦秦王二十一年薨子楚代立是爲
莊襄王以下皆公相相封爲文信侯食河南洛陽十
萬戶莊襄王卽位三年薨子政立爲王尊不韋爲相
國號稱仲父當是時信陵春申董皆喜賓客以相傾
不韋羞不如亦招致士厚遇之至食客三千人乃使
著所聞集論以爲八覽六論十二紀二十餘萬言號
曰呂氏春秋布咸陽市門有能增損一字者予千金
秦王十年十月免不韋就國河南歲餘賜文信侯書
曰君何功於秦食洛陽十萬戶何親於秦號稱仲父

其與家屬徙處蜀不帶恐誅飲醜而死詳見史記

西漢

張良字子房韓人也大父開地相韓昭侯宣惠王襄
哀王父平相釐王悼惠王二十三年平卒卒二十歲
秦滅韓良年少未宦事韓韓破良悉以家財求客刺
秦王爲韓報讐以大父父五世相韓故也良嘗學禮
淮陽東見滄海君得力士爲鐵椎重百二十斤秦皇
帝東遊良與方秦皇帝博浪沙中誤中副車秦

皇帝大怒大索天下良乃更名姓亡匿下邳嘗從容

高州志

人物

卷之七上

宦跡

五

步遊下邳圯上有老父衣褐至良所直墮其履圯下

顧謂良曰需下履下取履父曰履我良長跪

履之父以足受笑曰孺子可教矣後五日平明與我

會此良跪曰諾五日平明往父已先在怒曰與老人

期後何也去曰後五日早會五日雞鳴良往父又先

在復怒曰後何也去曰後五日復早來五日良夜未

半往有傾父亦來喜曰當如是出一編書曰讀此則

爲王者師矣後十年興十三年孺子見我濟北穀城

山下黃石卽我矣遂去不復見旦日視其書乃太公

兵法常習誦讀之居下邳爲任俠項伯嘗殺人從良
匿後十年陳涉等起兵良亦聚少年百餘人景駒自
立爲楚假王在留欲往從之道遇沛公將數千人畧
地下邳西遂屬焉沛公拜爲癡將良數以太公兵法
說沛公沛公善之良曰沛公殆天授故遂從之及沛
公之薛見項梁項梁立楚懷王良乃說項梁曰君已
立楚後韓諸公子橫陽君成賢可立爲王益樹黨項
梁使良求韓成立以爲韓王以良爲韓司徒與韓王
將千餘人西畧韓地秦輒復取之往來爲游兵潁川
沛公之從洛陽南出轍輒良引兵從沛公下韓十餘
城沛公乃令王成留寧陽翟與良俱南攻下宛西
入武關沛公欲以兵擊秦嶢下軍良曰秦兵尚強未
可輕臣聞其將屠者子易動以利願沛公且留壁使
人張旗幟諸山上爲疑兵令酈食其持重寶唱秦將
秦將果畔欲連和沛公欲聽之良曰此獨其將欲畔
耳恐士卒不從不如因其解擊之沛公乃引兵擊秦
軍大破之遂至咸陽秦王子嬰降沛公沛公入秦宮
宮室帷帳狗馬重寶婦女以千數欲留居之樊噲諫

沛公出舍沛公不聽良曰秦爲無道故沛公得至此
今始入秦卽安其樂所謂助桀爲虐也願沛公聽譽
言沛公乃還軍霸上項羽至鴻門下欲擊沛公項伯
乃夜馳入沛公軍私見張良欲與俱去良具以語沛
公沛公大驚曰爲將奈何良曰沛公誠欲倍項羽邪
沛公曰鯁生教我無內諸侯秦地可盡王故聽之良
曰沛公自度能却項羽乎沛公默然良久曰固不能
也今爲奈何良乃固要項伯見沛公沛公與飲爲壽
結賓婚令項伯具言沛公不敢倍項羽所以距關者

備他盜也及見項羽後解漢元年正月沛公爲漢王
王巴蜀令良意伯伯請漢中地項王乃許之漢

王之國良送至褒中遣良歸韓良因說漢王燒絕所
過棧道良至韓韓王成以良從漢王故項王不遣之
國從與俱東良說項王曰漢王燒絕棧道無還心矣
乃以齊王田榮反書告項王項王以此無西憂漢心
而發兵北擊齊乃以韓王爲侯又殺之良亡歸漢漢
王已還定三秦矣以良爲成信侯從東擊楚至彭城
漢敗而還至下邑漢王下馬踞鞍而問曰吾欲捐關

以東等棄之誰可以共功者良曰九江王黥布與項
王有郟彭越與田榮反梁地此兩人可急使漢王之
將獨韓信可當一面捐之此三人則楚可破也漢王
乃遣隨何說九江王布而使人連彭越及魏王豹反
使韓信將兵擊之因舉燕代齊趙卒破楚者此三人
力也張良多病未嘗特將爲畫策臣時時從漢王漢
三年項羽急圍漢王滎陽漢王恐與酈食其謀撓楚
權食其請復立六國漢王曰善趣刻印張良從外來
漢王方食具以酈生語告良請借前箸籌其不可者

八漢王輟食吐哺罵曰豎儒幾敗而公事令趣銷印
漢四年韓信砮齊欲自立爲齊王漢王怒張良說漢
王漢王使良授齊王信印秋漢王追楚至陽夏南戰
不利而壁固陵諸侯期不至良說漢王漢王用其計
諸侯皆至卒滅楚漢六年正月封功臣高祖曰運籌
帷幄之中決勝千里外子房功也自擇齊三萬戶良
曰臣始起下邳與上會留願封留足矣不敢當三萬
戶乃封爲留侯六年上巳大封功臣二十餘人其餘
日夜爭功不決上在洛陽南宮從複道望見諸侯坐

沙中語上曰此何語晉侯曰此謀反耳上曰天下屬安定何故反乎晉侯曰陛下以此屬取天下令軍吏計功以天下不足徧封恐又見疑平生過失故相聚謀反耳上憂曰爲之奈何晉侯曰上平生所憎誰最甚者上曰雍齒晉侯曰今先封雍齒以示群臣則人人自堅矣上乃置酒封雍齒爲什方侯群臣皆喜曰雍齒尚爲侯我屬無患矣劉敬說高帝都關中上疑之左右大臣皆山東人多勸上都雒陽晉侯曰雒陽四面受敵非用武之國也關中左殽函右隴蜀沃野

千里天府之國也劉敬說是高帝卽日駕西都關中晉侯從入關性多病導引不食穀杜門不出歲餘上欲廢太子立戚夫人子趙王如意呂后恐不知所爲或謂呂后曰晉侯善畫計策上信用之呂后乃使建成侯呂澤強要之曰爲我畫計晉侯曰此難以口舌爭也顧上有不能致者四人四人者年老矣爲上慢侮人義不爲漢臣狀上高此四人今公令太子爲書固請宜來來以爲客時時從入朝則一助也於是呂后使呂澤令人奉太子書卑辭厚禮迎此四人客建

成侯所漢十一年黥布反上病欲使太子將兵擊之
四人乃說建成侯夜見吕后告之吕后承間爲上涕
泣言如四人指上曰吾惟賢子固不足遣而公自行
耳於是上自將兵而東令太子監關中兵使留侯爲
太子少傅漢十二年上從擊破布軍歸疾益甚愈欲
湯太子留侯諫不聽因疾不視事及燕置酒太子侍
四人從年皆八十餘上怪問之四人各言姓名上大
驚曰吾求公數歲公避我何自從吾兒遊四人皆曰
陛下輕士善罵臣等義不受辱故亡匿太子爲人仁

孝恭敬愛士故臣等來耳上曰煩公幸卒調護太子
四人爲壽已畢趣去上目送之召戚夫人指示四人
者曰我欲易之彼四人輔之羽翼已成難動矣竟不
易太子者留侯本招此四人之力也留侯嘗自謂審
相韓韓滅不愛萬金之資爲韓報讐今以三寸舌爲
帝者師封萬戶位列侯此布衣之極於良足矣願棄
人間事欲從赤松子遊耳乃學辟穀道引輕身高帝
崩吕后德留侯強食之留侯不得已強聽而食後八
年卒謚爲文成侯子不疑代侯子房始見圯上老父

與太公書者後十三年從高祖過濟北果見穀城山下黃石取而葆祀之番侯死并葬黃石冢每上冢祠黃石番侯不疑孝文帝五年國除

詳見史記

晁錯潁川人也以文學爲太常掌故文帝時天下無治尚書者獨聞濟南伏生故秦博士治尚書年九十餘老不可徵乃詔遣錯受尚書伏生所還因上書稱說詔以爲太子舍人門大夫遷博士又以上書拜太子家令以其辯得幸太子太子家號曰智囊以對策高第遷中大夫錯又言宜削諸侯事及法令可更定

禹州志

人物

卷之七上

宦蹟

十一

者凡三十篇文帝雖不盡聽朕竒其才當是時太子善錯竒策袁盎諸大功臣多不好錯景帝卽位以錯爲內史錯數請間言事輒聽寵幸傾九卿法令多所更定遷爲御史大夫請諸侯之罪過收其支郡奏上上令公卿列侯宗室集議莫敢難獨竇嬰爭之由此與錯有隙吳楚七國反皆以誅錯爲名竇嬰袁盎進說上令錯衣朝衣斬東市

詳見本傳

賈山潁川人受學祖父祛所言涉獵書記常給事潁陰爲騎孝文時上書言治亂之道借秦爲喻名曰至

言文多不錄

原涉字巨先祖父武帝時以豪傑自陽翟徙茂陵趙廣漢傳云大姓原褚宗族橫恣是也涉父哀帝時爲南陽太守天下殷富大郡二千石死官賦歛送葬皆千萬以上妻子通共受之以定產業時又少行三年喪者及涉父死讓還南陽賻送行喪冢廬三年繇是顯名京師禮畢舉能治劇爲谷口令谷口聞其名不言而治詳見漢書

韓千秋潁川人故濟南相奮擊南越戰死武帝封子

禹州志

人物

卷之七上

宦蹟

三

延年爲成安侯

疆華潁川人光武至鄗帝先在長安時同舍生疆華自關中奉赤伏符至乃命有司設壇場卽皇帝位隱暹潁川人爲徐州刺史以小銅釜餽十日一炊鍾元陽翟人哀帝時爲尚書令領廷尉

東漢

郭弘潁川陽翟人習小杜律太守寇恂以爲決曹用法平郡內比之東海于公年九十五卒郭躬字仲孫弘子少傳父業講受徒衆常數百人後

為郡吏辟公府永平中以明法律名議騎都尉秦彭
擅斬及中常侍孫章宣詔誤不當深罪帝皆善之選
廷尉正元和三年拜廷尉永元六年卒於官詳見漢書
郭暉躬子亦明法律至南陽太守

郭鎮字桓鍾躬弟子少修家業辟太尉府再遷延光
中為尚書率羽林士擊殺衛尉閻景以成大功再遷
尚書令太傅三公奏鎮功比劉章封為定潁侯食邑
二千戶拜河南尹轉廷尉免永建四年卒於家詔賜
冢塋地順帝追思鎮功謚曰昭武侯

郭賀鎮長子當嗣爵讓於小弟時逝去積數年詔下
州郡追之乃出受封系遷復至廷尉及賀卒謚曰成
侯

郭禎賀弟亦以能法律至廷尉

郭僖鎮弟子少明習家業兼好儒學有名譽延熹中
亦為廷尉建寧二年代劉寵為太尉

郭鴻僖子至司隸校尉封城安鄉侯郭氏自躬後數
世皆傳法律子孫至公者一人廷尉七人侯者三人
刺史二千石侍中即將者二十餘人侍御史正監平

者甚衆

薛况陽翟人以俠稱 見漢書

韓馥字文節潁川人以尚書為冀州牧起兵討董卓

李修潁川人樊鄴弟子後位至三公 見漢書

劉德升字君嗣潁川人始作行書即正書之小變務

從簡易相間流行故曰行鍾繇謂之行禪文瓊瑤篆

亦德升觀星象而作

劉勝字季陵潁川人為蜀郡太守去官在家閉門却

掃歲時致敬郡縣答問而已無所干及太守王昱語

禹州志

人物

卷之七上

宦蹟

十四

陽城杜密曰聞得京師書公卿舉故大臣劉季陵高士也當急見徵

唐珍潁川人仕靈帝以太常為司空

張咨字子讓潁川人獻帝時為南陽太守長沙太守

孫堅至南陽咨不給軍糧又不肯見堅以計斬之

李鴻潁川人為安定太守辟李恂署功曹會鴻卒送

鴻喪還鄉里既葬番起冢墳持喪三年 見通志

趙儼字伯朕陽翟人避亂荊州曹操辟朗陵長息威

並著時汝南盜出郡縣多應之陽安都尉李通急錄

戶調以徵綿絹儼以書與荀彧卽白操以綿絹還民
上下勸善郡內遂平魏建國累官至司空封都鄉侯
薨謚曰穆子亭嗣

戲志才潁川人荀彧以智策舉之爲魏太祖籌畫士
郭嘉字奉孝陽翟人少有遠量深通籌畧達於事情
漢末天下將亂自弱冠匿名迹密交結英雋不與俗
輩接時人多莫知達者奇之年二十七辟司徒府初
比見袁紹謂紹謀臣辛評郭圖曰夫智者審於量主
故百舉百全而功名可立也袁公徒欲效周公之下

禹州志

人物

卷之七上

宦蹟

十五

士而不知用人之機多端寡要好謀無決欲與共濟
大難定霸王之業難矣於是遂去之先是時潁川戲
志才籌畫士也太祖甚器之早卒太祖與荀彧書曰
伯志才亡後莫可與計事者汝潁固多奇士誰可以
繼之者或薦嘉名見論天下事太祖曰使孤成大業
者必此人也嘉出亦曰真吾主也表爲司空軍祭酒
屢出奇謀征伐有功封洧陽亭侯年三十八卒謚曰
貞侯

郭奕嘉子爲太子文學早卒子深嗣深卒子獵嗣

郭獵深子奕孫有才識位散騎常侍

郭圖字公則潁川人袁紹在河東圖說紹迎天子都
鄴紹不從

馮熙潁川人

劉庾潁川人年十歲戲於講堂上司馬德操拊其頭
曰孺子黃中通理寧自知不文帝卽王位爲侍中賜
爵閔內侯

郭玄信陽翟人爲謁者奉使至渤海南皮求人爲御
司法以石苞及鄧艾給之行十餘里玄信謂二人曰

禹州志

人物

卷之七上

宦蹟

六

子後並當至卿相後果如其言詳見通志

魏

辛毘字佐治陽翟人佐魏太祖破袁譚袁尚袁熙爲
議卽文帝踐祚遷侍中賜爵閔內侯時議改正朔毘
以夏數爲得天正何必期於相反帝善而從之帝欲
徙冀州士家十萬戶實河南時連蝗民饑群司以爲
不可而帝意甚盛毘與朝臣俱求見帝知其欲諫作
色以見之皆莫敢言毘曰陛下欲徙士家其計安在
帝曰卿謂我徙之非耶毘曰誠以爲非也帝曰吾不

與議也曰陛下不以臣不肖置之左右廁之謀議之
官安得不與臣議耶臣所言非私也乃社稷之慮也
帝安得怒臣帝不答起入內毘隨而引其裾帝奮衣
不還良久乃出曰佐治卿持我何太急耶毘曰今徒
既失民心又無以食也帝遂徙其半上軍大將軍曹
真征朱朕於江陵毘行軍師還封廣平亭侯帝欲大
興軍征吳毘諫甚切直帝竟伐吳果至江而還明帝
卽位進封潁鄉侯時中書監令劉放孫資見信於主
大臣莫不交好而毘不與往來子敞諫曰今劉孫用

事大人宜小降意不朕必有謗言毘正色曰就與劉
孫不平不過令不作三公而已何危害之有焉有大
丈夫欲爲公而毀其高節者邪不從僕射畢軌表言
毘宜代王思爲尚書僕射帝以訪放資對曰毘實亮
直朕性剛而專遂不用出爲衛尉帝方修殿舍百姓
勞役毘上書諫之帝又欲平北鄙令於其上作臺觀
則見孟津毘諫曰天地之性高高下下今而反之旣
非其理若九河盈溢洪水爲害卽陵皆夷何以禦之
乃止青龍二年諸葛亮率衆出渭南先是大將軍司

馬懿數請與亮戰明帝終不聽是歲恐不禁乃以毘
爲大將軍軍師使持節六軍皆準節度亮卒復還爲
衛尉薨謚曰肅子敞咸熙中爲河南太守

晉

褚擘太傅哀之祖有局量以幹用稱嘗爲縣吏事不
合令欲鞭之擘曰物有所施榱椽之材不可以爲藩
落也願明府垂察乃舍之家貧辭吏年垂五十羊祜
與擘有舊言於武帝始被升用官至安東將軍

褚斐字謀遠大傅哀之從父兄也父頽少知名早卒

禹州志

人物

卷之七上

宦蹟

六

斐以才藝植幹稱襲爵關內侯補冠軍參軍於是長
沙王乂擅權成都河間阻兵於外斐知內難方作乃
棄官避地幽州後河北有寇難復還鄉里河南尹舉
斐行本縣事及天下鼎沸招合同志將圖過江先移
住陽城界明年謀東下道阻不得進因留密縣司隸
校尉荀組以爲叅軍廣武將軍復領本縣督新城梁
陽城三郡諸營事項之遷司隸司馬建興中組舉斐
爲吏部郎不應名東渡江元帝爲晉王以斐爲散騎
郎轉太子中庶子出爲奮武將軍淮南內史永昌初

王敦構逆征西將軍戴若思命裴出軍赴難裴遣將領五百人從之明帝卽位徵拜屯騎校尉遷太子左衛率成帝初爲左衛將軍蘇峻之役以裴爲侍中典征討軍事旣而王師敗績帝登太極前殿司徒王道升御床抱帝裴及鍾雅劉超侍立左右時百官奔散峻兵入叱裴令下裴正立不動呵之曰蘇將軍來覲至尊軍人豈得侵逼由是軍士不敢上殿及峻執政猶以爲侍中從乘輿幸石頭明年與光祿大夫陸曄等出據苑城蘇逸任讓圍之裴等固守賊平以功封長平縣伯遷丹陽尹甚有惠政尋爲領軍徙五兵尚書加奉車都尉遷尚書左僕射加散騎常侍代何充爲護軍將軍咸康七年卒贈衛將軍謚曰穆子希官至豫章太守

褚裒字季野陽翟人裴之從弟也父洽武昌太守裒少有簡貴之風與殷浩杜乂皆以識度清遠善談老易擅名江東桓彝嘗謂裒曰季野有皮裏春秋言其外無臧否而內有褒貶也謝安亦曰裒雖不言而四時之氣已備矣永和五年上表請伐趙自彭城之捷

朝野皆以為中原指期可復仕終鎮北將軍卒年四十七遠近嗟悼吏士哀慕之贈侍中太傅本官如故謚曰元穆子歆字幼安以學行知名歷散騎常侍

褚爽字弘茂 小字期生恭思皇后父也祖哀父

歆爽少有令稱謝安甚重之嘗曰若期生不佳我不

復論士矣為義興太守早卒以后父追贈金紫光祿

大夫爽子秀之澹之裕之
晉書作 義熙中並歷大官

見晉書

北魏

禹州志

人物

卷之七上

宦蹟

二十

辛謚衛尉辛毘之後潁川人有文學歷盜賊尉漢陽上党郡太守卒贈征虜將軍梁州刺史

南北朝

宋

褚秀之爽子字長倩歷大司馬瑯琊王從事中郎黃門侍郎武帝鎮西長史遷侍中出補大司馬右司馬秀之妹晉恭帝后也恭帝即位為禮部尚書宋受命徙太常元嘉初卒於官

褚澹之字仲原秀之弟也亦歷顯官為武帝車騎從

事中郎尚書吏部郎廷尉卿左衛將軍宋受命爲侍
中澹之兄弟並盡忠事武帝乃用澹之爲會稽太守
景平二年富陽孫氏聚合門宗反孫法先自號冠軍
大將軍與道慶等攻沒縣邑遙以鄮令司馬文宣爲
征西大將軍直攻山陰澹之自假陵江將軍身率所
領出次近郊與衆合力大破賊於柯亭謚曰質詳通志
褚裕之爽子字叔度陽翟人晉太傅裒之曾孫也祖
歆父爽兄秀之澹之初爲太宰瑯琊王行叅軍遷武
帝車騎叅軍

禹州志

人物

卷之七上

宦蹟

三

褚湛之裒三世孫仕宋爲尚書左僕射尚武帝安哀

公主南史

褚淵裒四世孫湛之之子尚宋文帝南郡獻公主淵

少有清譽父卒財寶悉與諸弟惟取書數千卷仕宋

及南齊累官尚書令侍中及卒家無餘財子蕢從父

弟焯並有時名詳南史

褚蕢字蔚光歷官侍中父淵薨服闕見世祖流涕不

自勝上嘉之以爲侍中領步兵校尉左民尚書散騎

常侍秘書監不拜六年上表稱疾讓封與弟慕世以

爲黃恨淵失節於宋故不復仕永明七年卒

褚澄字彥道陽翟人宋武帝之甥尚文帝廬江公主
湛之之次子淵之弟也仕宋自駙馬都尉遍歷清顯
仕齊至侍中領右將軍永明元年卒東昏侯立其女
爲皇后追贈金紫光祿大夫澄傳楊淳秘方精於醫
能治竒疾卒後有褚氏遺書一卷傳於世詳南齊史
褚球字仲寶翔族父宋散騎常侍裕之玄孫也祖曖
太宰叅軍父續太子舍人球少孤貧篤志好學有才
思仕齊爲溧陽令在縣清白資公奉而已仕梁歷都
官尚書通直散騎常侍秘書監領著作司徒右長史
常侍著作如故後爲光祿大夫加給事中卒詳通志

魏

奚康生陽翟人其先代人也本姓達奚世爲部落大
人祖真柔玄鎮將內外三都大官賜爵長進侯卒贈
幽州刺史謚曰簡康生少驍勇有武藝彎弓十石矢
異常箭爲時所服景和初蠕蠕頽寇康生爲宗于隊
主從駕征鍾離駕旋濟淮五將未渡齊遣將據渚邀
斷津路康生應募縛筏積柴因風放火依烟直進飛

禹州志

人物

卷之七上

宦蹟

三

刀亂斫投河溺死者甚衆遂假直閣將軍後以勲除太子三校西臺直吐京胡反康生爲軍主從章武王彬討之率精騎一千追胡至車深谷胡遂奔北因俘其半牛羊馬以萬數齊將裴叔業率衆圍渦陽帝遣康生馳往一戰大破之壽陽來降詔遣康生領羽林千人給龍廐馬萬匹馳赴之破走其將桓和陳伯文以功除征虜將軍封安武縣男出爲南青州刺史後梁郁州軍主徐濟寇邊遣康生破擒之後梁遣都督臨川蕭宏勒甲十萬規寇徐州詔授康生武衛將軍

禹州志

人物

卷之七上

宦蹟

三

一戰而破還京帝召見宴會賜驕騮啣胡馬一匹出爲華州刺史頗有聲績轉涇州刺史以輒用官炭在爲御史所劾復除相州刺史徵拜光祿勳領右衛將軍與元乂同謀廢靈太后遷撫軍大將軍河南大尹正光二年二月明帝朝靈太后於西林園明帝侍坐酒酣迭儻次至康生乃爲力士儻每顧視太后爲殺縛之勢太后解其意援帝臂下堂而去康生大呼唱萬歲奪其子刃斫直後之衆脯乃得定明帝晚上殿康生爲乂所執鎖於門下至曉乂不出令侍中黃門

僕射尚書等十餘人就康生所訊其事處康生斬刑
及太后反政贈都督興瀛滄三州諸軍事驃騎大將
軍司空冀州刺史謚曰武貞又進封壽張縣侯子剛
龔

梁

褚翔字世舉陽翟人魯祖淵齊太祖佐命功臣祖綦
贈太常父向字景政仕梁卒於北中郎廬陵王長史翔
初爲國子生舉高第累遷宣城王主簿中大通五年
武帝晏群臣樂遊苑別詔翔與王訓爲二十韻詩限

禹州志

人物

卷之七上

宦蹟

三

三刻成翔於坐立奏帝異焉卽日轉宣城王文學俄
遷友出爲義興太守翔在政潔已省繁苛去浮費百
姓安之及秩滿吏民詣闕請留勅許焉尋徵爲吏部
郎百姓無老少追送出境涕泣拜辭翔居少選公清
不爲請屬易意號爲平允遷侍中太清二年遷守吏
部尚書侯景圍宮城翔於圍內丁母憂以毀卒

詳通志

周

褚該字孝通陽翟人父義昌梁鄱陽王中記室該幼
而謹厚尤善醫術仕梁歷武陵王府參軍隨府西上

後與蕭撫同歸周天和初位縣伯下大夫進授車騎
大將軍儀同三司該性謙和不自矜尚但有請之者
皆爲進其藝術時論稱其長者以疾卒子則亦傳其
家業

陳

褚玠字溫理陽翟人祖灃字士洋仕梁爲曲阿令歷
晉安王中錄事正貞卽烏程令太尉屬延陵令中書
侍郎太子率更令御史中丞湘東王府諮議叅軍卒
灃之爲縣令清慎可紀好學解音律重賓客雅爲湘

禹州志

人物

卷之七上

官蹟

三五

東王所親愛灃生蒙蒙位太子舍人蒙生玠玠九歲
而孤爲叔父驃騎從事中郎隨所養早有令譽先達
多以才器許之及長美風儀善占對博學能屬文起
家王府記室天嘉中兼通直散騎常侍聘齊還遷中
書侍郎大建中山陰縣多豪猾前後令皆以職污免
宣帝用蔡景歷言除玠戎昭將軍山陰令搜括縣縣
人張次的主休達等隱沒軍人八百餘戶時舍人曹
義達爲宣帝所寵縣人陳信家富誦事義達父顯文
持勢橫暴玠乃遣使執顯文鞭之一百於是吏民股

梁莫敢犯者帝手勅慰勞後爲義達所譖坐免官玠
在任歲餘守祿俸而已去官之日不堪自致因畱縣
境種蔬菜以自給皇太子知玠無還裝手書賜米二
百斛於是勅還都太子愛其文辭令入直殿省掌東
宮管記遷御史中丞卒皇太子親制誌銘以表其舊
至德二年贈秘書監子亮位尚書殿中侍郎

詳陳書

唐

郭孝恪陽翟人少有奇節不治資產父兄以爲無賴
隋亂率少年數百附李密密曰世言汝穎多奇士不

禹州志

人物

卷之七上

宦蹟

三

謬也使與李勣守黎陽密敗勣遣孝恪送款封陽翟
郡公拜宋州刺史與李勣經畧武牢以東嘗遣衆進
策平王世充竇建德其畧曰世充窮蹙垂將面縛竇
建德遠來助之此天欲兩亡之也若固守武牢以軍
汜水不過二旬兩王就縛矣秦王朕之賊遂平以功
遷上柱國崑丘道副大總管討龜茲國與子待詔俱
戰没子待詔待封皆將軍

詳唐書

褚亮字希聞杭州錢塘人曾祖滂父玠出自陽翟皆
有名梁陳間亮少驚敏圖史一經目輒誌始事隋後

三品監修國史兼太子賓客進拜尚書右僕射帝將立武昭儀召長孫無忌李勣于志寧及遂良入或謂無忌當先諫遂良曰太尉國元舅有不如意使上有棄親之譏又謂勣上所重當進曰不可司空國元勳有不如意上有斥功臣之嫌吾奉遺詔若不盡愚無以下見先帝既入帝曰罪莫大於絕嗣皇后無子今欲立昭儀謂何遂良曰皇后本名家奉侍先帝先帝疾執陛下手語臣曰我兒與婦今付卿且德音在陛下耳可遽忘之皇后無他過不可廢帝不悅翌日復

言對曰陛下必欲改立后者請更擇貴姓昭儀昔事先帝身接幃幄今立之奈天下耳目何帝羞默遂良因致笏殿階叩頭流血曰還陛下此笏乞歸田里帝大怒命引出武氏從幄後呼曰何不撲殺此獠無忌曰遂良受顧命有罪不加刑會李勣議異武氏立乃左遷遂良潭州都督顯慶二年徙桂州未幾貶愛州刺史歲餘卒年六十三後二歲許敬宗李義府奏長孫無忌逆謀皆遂良驅煽乃削官爵二子彥甫彥冲流愛州殺之帝遺詔聽其家北還神龍中復官爵德

宗追贈太尉文宗時詔以遂良五世孫虔爲臨汝尉
安南觀察使高駢表遂良客寔愛州二男一孫祔咸
通九年詔訪其後護喪歸葬陽翟云

陳南仲潁川人貞元十八年爲武功丞邑人宜之號
爲簡靖見武功志

陳真節潁川人開元初爲右拾遺初隱章懷懿德節
愍四太子並建陵廟分入署置官列吏卒四時祠官
進饗真節以爲非是上言請罷吏卒詔祠官無領屬
以應禮典詔有司博議駕部員外郎裴子餘曰四太

禹州志

人物

卷之七上

宦蹟

三

子皆先帝冢嗣列聖念懿屬而爲之享誰不曰朕太
常博士段同曰隱於上伯祖也服總章懷伯父也服
期懿德節愍堂昆弟也服大功親未盡廟不可廢禮
部尚書鄭維忠等二十七人亦附其言於是四陵廟
惟減吏卒半宅如舊遷太常博士玄宗奉昭成皇后
附睿宗室又欲肅明皇后并升焉真節奏曰廟必有
配一帝一后禮之正也昭成皇后有太姒之德宜升
配睿宗肅明皇后旣非子貴宜在別廟於是晉主儀
坤廟詔隸太廟毋置官屬真節又與博士蘇獻上言

睿宗於孝和弟也兄弟共世昭穆位同則毀二廟天子不得全事七世矣請以中宗爲別廟大裕則合食太祖奉睿宗繼高宗則裸獻永序詔可五年太廟壞夫子舍神主太極殿營新廟素服避正寢三日不朝猶幸東都伊闕男子孫平子上書曰此躋二帝之驗也魯文公之二年躋僖於閔上後太室壞春秋書其災陛下未祭孝和先祭太上皇先臣後君昔躋兄弟上今弟先兄祭昔太室壞今太廟毀與春秋正同不可不察武后篡國孝和中興有功今內主別祠不得

列於世亦已薄矣臣謂宜遷孝和還廟帝異其言詔有司復議直節獻與博士馮宗質之曰天子七廟三昭三穆與太祖七父昭子穆兄弟不與焉睿宗不父孝和必上繼高宗者偶室於廟則爲二穆於禮可乎禮所不可而使天子旁紹伯考棄已親正統哉孝和中興別建園寢百世不毀尚可議哉帝語宰相名平子與博士評論博士護前言合軋平子平子援經緯數分明獻等不能屈蘓頲右博士故平子坐貶都城尉朕諸儒以平子孤挺見屈於禮官不平帝亦知其

直久不決朕卒不復中宗於廟明年帝將大享明堂
真節惡武后所營非古制乃與馮宗上言明堂太微
上帝之所武后始以乾元殿改爲撤之日有音如雷
庶民譁訕以爲神靈不悅堂成災火隨之願以明堂
復爲乾元殿使人識其舊不亦愈乎詔所司詳議刑
部尚書王志愔等僉謂明堂壞怪不法天燼之餘不
容大享請因舊制遷署乾元正寢正至天子御以朝
會若大享復寓圜邱制曰可真節以壽卒輯畧

陳禹潁川人隨蕭摩訶征討聰敏有智量涉獵經史

禹州志

人物

卷之七上

宦蹟

三

解風角兵書頗能屬文便騎射官至王府諮議

宋

田况字元均陽翟人進士及第又舉賢良方正直集
賢院上言治邊十四事多見採用仁宗朝累遷翰林
侍讀學士樞密副使以太子少傅致仕著好名朋黨
二論撰皇佑會計錄六卷田公金叢集兩卷知成都
日刊石經公羊傳十二卷石經穀梁傳十二卷卒謚
宣簡

田晝字承君陽翟人宣簡公况侄也仕爲校書郎知

河西縣時鄒志完浩教授潁川承君與志完氣節相
激勵元符間哲宗劉賢如與孟后爭寵后廢劉氏立
爲后承君與諸子曰志完不言可以絕交矣一日志
完以書約承君會潁昌中途承君喜甚亟往志完具
言諫廢立后事時某之言顛矣上初不怒也明日章
惇詆其狂妄遂除名勒羈管新州相留三日臨別志
完出涕承君正色責曰使志完隱默官京師遇寒疾
不汗五日死矣豈獨崩海之外能死人哉願君無以
此舉自滿士所當爲者未止此也志完茫然自失歎

曰君之贈我厚矣建中靖國初承君知淮陽軍一日
小疾不出正寢一軍之人晝見承君擁騎從騰空而
去就問之死矣淮陽人祀爲土神歸葬三峯山澗土
丈人陳恬銘其墓

孟通陽翟人以仁厚治武功縣號得體民爲用修繕
城郭官署學校不刑一人民趨事恐後官至諫議大
夫

孫甫陽翟人少好學日誦數千言舉進士爲華州推
官再遷太常博士丞相杜祁公等薦其賢得秘閣校

理以右正言居諫院好直諫時事多所建明仁宗皆深納之後以右司諫知鄧州廉介自守吏民不敢欺累官至天章閣待制河北都轉運使嘉祐二年卒於家年六十六贈右諫議大夫歐陽文忠公爲誌銘有文集七卷著唐史記七十五卷旣卒詔取其書藏於秘府

程坦字坦然治春秋三家學淳化三年賜本科及第官至國子博士贈太子太師子戡天禧中禮部第進士第一累官樞密直學士知瀛州進端明殿學士叅

知政事以鄙延經畧使判延州治不近名卒謚康穆崔鷗字德符陽翟人舉進士爲均州推官徽宗初立以日食求直言鷗上書言司馬光忠言直諒聞於中外雖古名臣未能遠過而謂之姦是欺天下也章惇狙詐凶險天下士大夫呼曰惇賊豈非忠臣痛憤義士不服故名之邪惟聖明辨之乃以爲相州教授後蔡京籍上書免鷗官久之調績溪令移病居郟城治田百畝爲婆娑園屏處十餘年人無貴賤尊師之靖康中召還積官殿中侍御史徙右正言爲文至多尤

長於詩晁氏謂有唐人風忽得擊疾不能行而卒
子其壻衛昂哀集遺文凡三十卷

張克公字介仲潁昌陽翟人起進士大觀中爲監察
御史遷殿中侍御史

曹勛字公顯陽翟人組之子以父恩補承信卽賜進
士甲科幹當龍德宮靖康末扈從徽宗北狩旣渡河
十餘日徽宗謂勛曰我夢四日並出此中原爭立之
象不知中原之民尚肯推戴康王否因出御衣絹半
臂書其領中曰便可卽真來救父母又諭勛曰如見

禹州志

人物

卷之七上

宦蹟

三五

康王第言有清中原之策悉舉而行之毋以我爲念
康王夫人邢氏亦脫所御金環使內侍持付勛曰幸
爲我白大王願如此環早相見也勛持御衣書等問
道走行在建炎二年七月至南京以進高宗高宗泣
示輔臣勛累官至太尉開府儀同三司卒贈少保所
著有北狩聞見錄一卷

元

趙宏備字子英甘陵人徙潁川至元十三年元兵攻
宋宏備以書謁元帥宋都解於軍中奇之俾以兵扈

地至吉州署爲吉州叅佐十五年以功賜金符十七
年改衡州路總官府治中群盜出沒宏偉計地興屯
民旣足食盜亦爲農郡遂寧謐大德五年起遷浙西
道肅政廉訪司事鎮江旱蠲民租九萬餘石大風海
溢濶常江陰等州廬舍多蕩沒民乏食偉發廩以賑
全活者十餘萬遷江南行臺都事十一年江南大饑
宏偉請以贓罪錢賑之口賴以生至大二年名爲內
臺都事出爲浙東廉訪司使聞郡人許謙得朱熹道
學之傳延致爲師於是人知向慕未幾擢江南行臺
三年卒贈嘉議大夫禮部尚書上輕車都尉追封天
水郡侯謚貞獻子思恭追封天水郡侯思敬以處士
徵爲教授

識列門姓馮氏陽翟人仕至萊祿大夫徽政使祖有
德贈中書右丞父世昌贈平章事其墓在今密縣岐
固保有巨碑翰林承旨趙孟頫撰文

趙璉字伯器宏偉孫至治元年進士授嵩州判官再
調祥符尹入爲國子助教遷湖廣行省左右司郎中

除杭州路總管誅寇盜均徭役陞吏部侍郎歷遷至
叅議中書時河南兵起朝廷立淮南北行省於揚州
移鎮真州張士誠爲亂陷泰州興化乃命高郵知府
李齊招諭之士誠請降行省授以民職使自效移璉
鎮泰州璉命士誠治戈船趨濠泗士誠不肯發遂復
反璉力疾與賊鬪市衢賊邀至其船璉詰之曰汝輩
罪在不赦今旣宥爾又賜以銘乃旣降復反我豈爲
汝輩屈乎卽馳騎擊賊賊以槩撞璉墜地昇登其舟
璉瞑目大罵死之僕陽兒以身蔽璉亦死

禹州志

人物

卷之七上

宦蹟

三

馬光祖字慶祥陽翟人潛心律學補刑部令史大同
路武州民有重證監州以下同爲不軌者秋官往案
之公以吏掌其柄白於王者曰此係極刑尤當詳謹
寧坐已以稽慢之罪不可枉殺以寬其人王者感其
言而少緩公爲之推寃原委盡得其情杖決而罷衆
人復得更生延佑初授安豐路總管府知事累遷至
汝寧府判官

王道衡字子正至大中以明經擢進士第嘗作宣聖
始終辨惑記刻於湧泉里夫子廟

劉聞政禹州人提舉白沙鎮鐵冶大學士宇之祖也
野克野烈木克徹帶部人始河南破見陽翟地可居
遂買田築室以子鈔兒赤貴追封夷山侯

明

邊珪字廷玉其先汝陽人元末避亂徙居禹洪武初
年由辟薦擢山西稷山縣尹教養有法甚得牧民之
體

楊端字公冕洪武中以太學生任陝西延安府通判
治民有能聲以績最擢戶部郎中累官山東左叅政

禹州志

人物

卷之七上

宦蹟

三

見一
統志

祝銘字自警洪武中鄉試任定州同知廉謹自持擢
工部員外轉山東叅政

魏清識見過人洪武中以國子生拜監察御史陞四
川副使永樂宣德中歷山東山西所至有廉能幹濟
之譽

郃廸字秉仁洪武甲子科鄉試任工部營繕司主事
擢桂林府知府居官公直敢言不畏強禦京師呼爲
郃棒子

古朴字文質洪武中舉鄉貢爲太學生奉命清選
縣田賦圖籍丁父喪歸服闋隸五軍斷事司理刑素
家貧願仕得祿養母除工部主事迎母就養母沒官
歸葬服闋改兵部主事陞員外再陞郎中遂陞兵部
右侍郎永樂中轉左侍郎賜文綺一襲帝巡狩北京
侍太子監國權禮兵二部及詹事府洪熙中改通政
使陞戶部尚書追封三代遂謁告歸省墓賜鈔襲衣
公事親孝非其義一毫不苟取公退清坐一室書冊
自娛嘗病楊士奇往問之入其齋室几案間獨有自
警篇一帙可以觀其所存矣卒士奇撰神道碑

禹州志

人物

卷之七上

宦蹟

三

劉綱字文紀由進士初知府谷縣政教並舉頌聲大
作陞寧州知州乃因俗爲治不拘繩墨民翕然樂之
簡兵練武百廢俱舉凡三丁內外艱民詣闕乞留詔
允復任賜勅旌勸蒞寧前後幾四十年賜四品服自
引致仕寧州舊有六君子祠祀狄梁公等後改名七
君子祠致祀焉

李通字彥達永樂初以懷才抱德舉爲貴池縣知縣
有聲後以嫡孫承重家居不起民懷德政爲樹去思

碑見谿田馬
理撰志

劉溥字至公辛酉領鄉薦任浙江台州府通判政務大體不拘小節初若不合於時積久咸服其德比歸筭篋惟圖籍詩卷卒以清謹見稱

徐純字守一甘貧好學尤敦孝道以明經選入太學歷任潛江太原知縣所至節用愛民綽有惠政致仕歸構書樓一間坐卧其上玩易讀書對景吟咏老而不倦嘗因親病詣城隍廟禱祀時門未啟廟祝王連夢神促之曰徐大尹至驚而啟門公果在焉年八十

禹州志

人物

卷之七上

宦蹟

四

五卒

蔣瑄字文璽性沉靜尤喜集書少時日記萬言甲戌登進士任戶工二部主事陞屯田司郎中皆有聲出補四川左叅議以親老解官歸遂不復起士大夫皆服其高

馬文升字負圖號約齋生而聰慧讀書卽了大義丁卯領鄉薦辛未登進士第初授監察御史巡按山西湖廣所至有聲陞福建按察司以法繩中官陞南大理寺卿丁內艱服未闋值固原滿四倡亂起爲右副

都御史會兵討平賜勅獎勞陞左副都御史時巨盜李胡子等聚衆劫掠以計剪除鐵烈孫入寇進兵生擒遂陳時政十五事及防禦三策尋節制三邊勦寇有功賜以白金文綺又平岷州叛逆詔爲兵部右侍郎適東陞有警制五花營八陣圖復上防禦十五事陞左侍郎奉詔招撫建州黑鎖忒等二百餘人因忤中官汪直謫戍重慶直敗詔復其官爲左副都巡撫遼東陞右都御史督理漕運陞兵部尚書貴州都勻黑苗弗靖守臣請兵不從改南兵部叅贊機務弘治

禹州志

人物

卷之七上

宦蹟

三

元年陞爲左都御史掌院事召對文華殿賜織金衣一襲極其倚重二月耕籍田奏行九推禮三月從幸太學賜賚甚厚上言十五事未幾改兵部尚書提督京營京師大雨䟽時政得失十事以弭災變安南侵占城國諭以禍福還其侵地丁繼母憂起復視事貴州苗叛公議遣鎮遠侯顧溥授以方略討平之自是加太子太保乞休上慰留之上䟽論輔皇太子加太子太傅建議清寧宮災賜蟒衣白金以次子琇爲錦衣衛百戶火節犯大同京師震駭召至便殿咨以戰

守因陳策以待刻期果遁轉吏部尚書進少師燕大
子太師諸司朝覲大彰黜陟歷官五十餘年會所推
總制兩廣者不樂於外乃嗾御史劾公遂求去封章
累上前後二十餘疏蒙賜宴璽書褒美比歸屏居三
峰山董村之別墅更號三峰居士足跡不至城市享
年八十有五公性介特寡言笑不尚華侈望之知爲
異人居官重名節礪廉隅雖位極人臣名聞中外退
然若不敢自居至於值事變臨利害屹然如山不可
搖奪議者謂忠鯁如汲長孺勲名如郭汾陽相業可

禹州志

人物

卷之七上

宦蹟

三

比韓稚圭范希文殆非過也有約齋集及奏議三事
記行於世卒贈太師謚端肅賜葬於城北二十里具
茨山之原

馬文麟字見圖端肅之從學仲兄也由歲貢

授山西
河津知

縣歷
江浦

知縣政聲大著未三年丁母憂服闋補江陰民

謠曰可惜洛陽川上月不照江浦照江陰甫三年當
道累有薦揚行取京師至臨清疾故行李蕭然聞者
莫不稱嘆提學石公作墓誌以志之

連祥字天錫中天順己邠鄉試成化初任山陽縣尹

平易近民卓有政聲丁內艱哀依墓所不履城市者三年時有赤白兔出沒墓傍學士李西涯爲作孝感記以志之補尹齊河三年慈惠小民一錢不取時中官汪直遍緝貪官公以清廉獲免縣東運河衝決爲患築堤栽柳卒免滄沒至今猶有連公堤之稱

王定字靜之中天順壬午鄉試初任順天府豐潤縣知縣均市鬻禁民奢首誅不孝屈服豪強作興學校撫綏黎庶尋陞開州同知以致仕歸豐潤士民思慕

祀爲名宦第一

見豐潤縣志

禹州志

人物

卷之七上

宦蹟

三

董敬字克恭世爲禹州人成化中卒業成均初任陝西宜山縣丞委署延川縣事時西安郡邑輸運邊儲憚於險阻敬自韓城抵延川開坦途八百餘里輓輸者咸稱其便又代領延川築邊底績撫按奏聞賜白金彩緞以勞之遂遷通渭知縣增燧臺置堡洞通渭恃以無恐致仕卒副使伍福撰功德碑

劉宇字至大綱之孫也丰采雄偉登壬辰進士初授上海知縣擢廣東道御史陞端州府知府廣東副使山東按察使陞右僉都御史巡撫大同籌邊多策招

高給餉調用不乏尋陞右都御史總制宣大山
處累有金幣之賜公之撫大同所上不下百餘疏集
爲十冊曰雲中奏議官至吏兵二部尚書少傅兼太
子太傅文淵閣大學士

安永達世爲禹州人成化十二年貢士初授旗手衛
經歷以賢能陞肥鄉縣尹抑豪右疏冤滯興水利築
堤防開荒蕪湖泊二百餘頃奏耕三年後方起科時
漳河泛漲漂民廬舍城不浸者三四版閣城危懼公
登城泣禱浪頭有物形如黑獸隨水東下須臾水退
城賴以安民立祠祀之有去思碑存焉

禹州志

人物

卷之七上

宦蹟

四

徐永字昌齡前太守明善之孫也聰穎異常少時有
司試之以爲神童十九歲登進士由工部主事轉兵
部員外郎陞山東右叅議所至有聲譽進階副使致
仕高卧東崗不入城市垂二十年晚歲工意詩文所
著有東岡集

李昇字翔漢倜儻有大志少家貧刻苦讀書弘治辛
酉魁河南初知新安縣除河患弭盜賊值歲大饑開
倉賑民官穀匱設法給之活者千餘戶後陞東平守

置善惡牌各一擇其賢不肖之尤者書之以示勸戒
後以峭直改知石州陞肅府左長史致仕歸行李蕭
然弟晃割田五十畝給之日惟詩文自娛雖極淡泊
處之晏如一郡皆知爲清白吏

党玫字文潤性淳篤事父母備竭孝養舉動有古人
風苦志極力好學不倦貢禮部授陝西洛川訓導嚴
立條約士習丕變擢易州學正歸

劉堅弘治辛酉舉人鄉薦後力耕以自給產前有巨
桑每飼牛待耕則坐桑下石上呶唔不少輟初授山

禹州志

人物

卷之七上

宦蹟

四十五

陰令調山東單縣刻勵清節歷俸數年積俸僅易一
羸馬致仕歸以得馬爲嫌每徒行焉郡守盧陵劉公
魁學出陽明之門少許可獨重其人於其歿也爲之
志墓

任洛字仲伊號西溪庚午魁河南明年登進士初尹
桐鄉守已愛民邑人爲立去思碑選監察御史臨事
敢言按陝西南北直隸摧抑權倖風采壁立陞霸州
兵備副使平巨盜楊恭等蒙賞改甘肅歷陝西叅政
按察使陝西左右布政使巡撫僉都御史所至以廉

能稱遼東軍叛執辱撫臣命公往撫之擒獲首惡錄
黨悉平陞陝西巡撫副都御史戶部左侍郎時北使
求貢名諸大臣廷議不合卽引退屏居於順鎮之別
墅詳見三省奏議

王尚志字於道定之子也領庚午鄉薦授博野令與
利除害士庶咸服值歲凶荒民賴全活者甚衆當道
薦揚以考最陞平涼府判民涕泣不忍別公以勤事
卒於官襁歸之日囊無餘貲惟圖書數卷而已晴川
劉公爲謨誌弟尚聘字任字雖從兄學舉子業而絕
老未見有愁色年八十一卒人稱爲隱君子

禹州志

人物

卷之七上

官蹟

四

意仕進卜築西郭栽花種竹人世榮辱絕口不道至
馬紀字直卿中庚午鄉試丁丑登進士知雄縣民慕
其德爲立去思碑祀名宦祠擢山東道御史清軍湖
廣指揮甘於海撥直親王劾罪遠遣官生王子道倚
勢凌人以置之法民賴以安按四川不畏強禦人以
包老稱之復命爲京畿道御史忤銓曹意陞九江知
府減革商稅禁淹女子陞岷州兵備副使土番不時
侵擾慎固封守中外寧謐丁母憂守制如禮居鄉捐

助婚喪施置義墳人多感之服闋陞浙江右叅政卒
于官

張鯤字子魚中丙子鄉試連登進士王文莊識爲偉
器授吏部稽勲司主事驗封司員外郎調考功司議
大禮杖擊濱死直氣不屈工詩文與三原馬理一時
名達共稱八俊以直言忤時出補湖廣右叅議陞按
察使副使尋改四川提學刊二業並學古編四禮圖
諸書以傳世集名雋於書院造就甚多陞湖廣左叅
政復以提學考貢例謫山東添註副使仍攝提學河
山一時從遊甚衆所著有東山集崧少漫稿

魏尚綸字仲一中辛卯亞元戊戌進士尹魏縣興學
造士節用惠民行取刑科給事中陞兵科直言極諫
不避權幸出知揚州府民洽其惠尋陞朔州兵備副
使致仕歸惟明農賦詩數年乃卒

李乘雲字子雨事親孝處諸弟友愛十二能文升郡
庠領辛酉鄉薦壬辰進士授行人選山東道御史直
聲動中外以九廟災謫太倉州判尋陞蒲州知州平

陽知府抑強藩革積弊政績懋著陞霸州兵備副使
俺答入犯捍禦有功擢陝西右叅政以疾致仕卒公
同懷七人三登甲科時人擬之河東三鳳所著有鳩
鳴集

李登雲字子漸乘雲之弟也甲午鄉薦聯捷進士授
大理寺評事奉詔修律令陞通政司叅議轉左右通
政通政使陞工部左侍郎督大工加一品服色食從
二品俸歸田居八里營蔬食布衣儉約終身雖位聯
台座未嘗無淡泊自明之意卒贈工部尚書諭祭賜

禹州志

人物

卷之七上

宦蹟

哭

葬郡北潁漢原

李凌雲字子鵬乘雲之弟也爲文雄渾雅健尤精於
詩辭與兄登雲同中鄉試登戊戌進士授兵部主事
歷員外郎中陞重慶知府教化大行民甚德之立去
思碑陞湖廣兵備副使丁內艱補天津兵備陞山西
右叅政進表卒於家所著有宦遊稿

王嘉孝字體魯年五十二中庚子鄉試連登進士授
兗州府推官辨雪冤獄陞南兵部主事歷員外郎中
襄陽知府清操美政綽有聲譽年七十致仕卒門人

服心喪者幾百人

馬斯臧字遠謀以禮經魁鄉試中庚戌進士任三原知縣有政聲行取御史巡按南直隸禦倭有功旨晉京缺陞順天府丞出爲山西布政司叅議卒

郭學書字道伯博極經史戊子領鄉薦從郡守劉晴川公講陽明之學任安平河間二縣行取戶部主事陞寶慶知府陝西行太僕少卿致仕置義田贍宗族鄉評義重之

魏尚純字叔誠與兄尚綸同舉鄉試連登進士官至

禹州志

人物

卷之七上

宦蹟

完

南工部尚書致仕以清廉名操履嚴方細行必謹年六十卒家無餘財所遺止第宅一區差官賜祭葬如制有唐詩抄文集藏於家

党以平字守衡玟之子也年十四穎悟絕人甲戌進士性謙厚恭恕官至右副都御史別歷內外邊功尤多每與宦官不和又觸忤權貴年未五十告歸遂絕意仕進卒年八十有三諭祭有鄉稱人瑞國爲典型之語

董世彥字子才號嵩河丙午方弱冠舉鄉試登癸丑

進士授濬縣令有愷悌名陞戶部主事員外郎中尋擢憲臬藩叅左右方伯所至卓有備績陞都察院右副都御史巡撫陝西時值下沙麻弗靖公勒兵擣其巢斬獲甚多修理邊牆千餘里敵臺墩堡三百六十餘座招撫生熟番七十一族前後六賜白金彩緞陞兵部右侍郎總督三邊軍務俺荅率衆赴西海迎佛經菴至甘肅地方公躬率士馬兼程直抵臯蘭爲隄防計回鎮一日而卒諭祭賜葬於卧龍岡之原所著有嵩河詩草及脫楚集行於世

李嘉祿字應吉素履狷介居郡庠以明經授學及門者多取科第登癸卯鄉薦三尹巨縣所至以清謹見稱陞判西安府職專糧政歛輸得法公私咸賴以直道忤世退居潁野明農課子終身蕭然如寒士

劉峨字仰蕪號中岡古文詞擅名一時萬曆癸酉貢元爲平原訓導轉清豐教諭兩署劇邑皆有惠政善造士清豐庠士朱冠者公所首拔登甲科爲顯宦恒深感之陞潞安教授造士一如清豐時得庠士吉人貧士也授經書資以飲食衣襦後登甲科爲御史臧

之終身公沒後每歲通問其家在潞時藩王并諸台
司聘其文者無虛日有中崗文集藏於家以子調羹
貴贈御史舉祀鄉賢

尹樂舜字耕夫同兄樂堯登甲午鄉試丰姿淑秀望
之瑩然初任開州學正陞國子監助教翰林待詔加
禮部主事侍青宮講讀太子手書經幄効勤四字賜
之積十二年陞光祿少卿出補四川按察司副使卒
後官一子中書舍人

連標字孟準格之弟壬午癸未聯捷授行人選山東
道御史上書立太子救曹學程幾犯不測巡按宣大

兼學政刊布書籍作養士類計擒礦盜張守清按畿
南郭幕枉殺驛卒感異夢爲抵其罪人稱神明權貴
相戒毋犯按山東首劾武定守墨吏望風解綬修孔
廟立萬古長春坊術士張玄陽妖言惑衆不徇請託
立寘於法大豪事覺有自盡者推掌河南道中州人
得與斯任自公始也陞順天府丞給假治兄喪補太
僕少卿陞正卿戶部借馬價銀堅執不與覃恩贈祖
考廕一子陞右副都御史巡撫宣府修邊墻千餘里

墩臺若干座捐俸置義田義學以贍族在任二年餘以勞瘁成疾卒論祭賜葬於登封縣之告成鎮閱歲論功追贈右都御史廕一子著有歷遊草若干卷陳經濟號鴻宇庚辰進士爲咸寧令補猗氏生平孤介寡言笑解州民負守之力移修解池工苦猗民公以去就爭之陞戶部主事歷員外郎中嚴州知府調繁湖州大計舉卓異陞浙江副使湖廣叅政忤時論歸日惟與內子趙淑人賡和詩句雖集成帙然無一語及褻其正大皆類此補四川僉事陞副使卒

王述古字信甫己丑進士授富陽令調繁崇德陞戶部主事內艱服闋補刑部陞湖廣司員外會妖書事下所司詞連大臣王世楊等荆門州里居同知胡化病狂走燕即誣其守阨爲版衛所緝乃借陷大學士沈鯉禮部侍郎郭正域等時四明柄國咸以爲稟其旨公力白化寃大司寇以爲不可少司寇更出危言激之公不爲動竟不入數公於獄但坐曠生光卒得旨依擬者碩溫純鄭繼之皆敬服之出知常州府勵清撻公考校孤寒皆得振拔兩舉卓異太宰孫公不

揚往拜其門陞陽和兵備副使按察使贊成封貢加
山西右布政使卒著律歷詩兵筌四書屑考皆有成
書

董九叙字康衢少孤貧與弟九貢刻苦讀書言動不
苟望之肅然起敬性介特非義不妄取登壬午鄉薦
愛誦古文詞通鑑長編詳加點竄選其字句之美者
抄錄成帙子侄在童穉皆教讀小學令放而行之峭
直不容人過宗族有負租當隸卒者擯之不與宗盟
族人皆化之前太守馬公題其門曰孝廉忠義蓋寔
依仲父成立

禹州志

人物

卷之七上

宦蹟

五

錄也任西鄉令甫閱月丁內艱服闋補汧陽催科撫
字並行以勞成疾卒歸裝僅圖書數卷無厚產二子
依仲父成立

馬懋字慎卿癸未進士闈中牘爲世傳誦授臨淄令
修學興士邢子愿爲之記路生甲橫里中公寘之法
一縣肅然丁外艱端肅公塋爲後人所毀言於按君
修復之服闋補壽光末幾陞戶部主事爲當道所傷
調尹寧津復陞前官權關清源釐葦駟僧商得不困
忤時罷歸修學宮葺頽橋費凡幾百緡合良藥廣施

愈竒疾甚多有生怒罵於門絕不與校好蓄古人書
玩巨公過禹觀之不厭海內名人韻士皆與交遊當
道將以人才薦力止之衆服其高年七十餘卒

董九貢字君需號夏衢九叙弟與兄篤志向學弱冠
中已知鄉試嗜古文詞甘淡薄苦精研歷十六載登
乙未進士任戶部主事司庾臨清革牙儉禁侵冒庾
得以盈歷陞郎中丁內艱起復大司農趙南渚知其
廉幹題以添註管崇文門稅公一無所染且痛懲積
弊稅竟及額題再管滿補原職先後在部十二年陞
山西叅政巡冀南道時太平無事公惟鎮以廉靜吏
習而民安之將考績以病免日惟讀書吟詩有以誤
述求者欣然命筆課諸子嚴季子學益以解元登第
年七十餘卒著有文集藏於家

陳所職字覲墀萬曆丙戌會試第六人初任刑部主
政性廉潔有清操人服其介然喜敦友誼一時名雋
無不與之遊人又服其通歷陞陝西按察司叅政監
軍咸寧執法不少阿有衛弁某以罪當奪其先世帖
黃者因饋美珠珍寶求公爲之地公峻拒之弁因轉

求撫軍以囑公公不爲之動撫軍啣之已而元旦公坐堂上忽呼劍手持桌案上含笑端然而逝人咸異之撫軍檢所註贖緩冊僅登銀二兩有餘乃大悔以爲失人因經紀其喪仍遣官校護之歸里里中先哲宦遊者多勵清節而公尤爲稱首云

王則古字繼則癸丑進士授雒縣令興學恤民政績甚偉調繁寶坻民爲立祠樹去思碑性剛果每與時忤左遷江西藩司幕以才望起濟南府推官陞大理評事遷兵部主事力薦馬世龍爲遼將當道疾其驚

中以察典起工部主事調兵部時魏璫專政指東林爲邪黨公從趙南星遊株連削奪魏璫敗起南禮部主事歷員外郎中陞大同知府以才幹移冀北道叅議與鎮守總監不協致仕歸

劉調羨字仲濟壬戌進士授豐縣令清謹愛民尤喜作士豐人立祠祀之擢御史巡中城值己巳之變奉命協守德勝門日夜嚴核守禦固懈叙勞加服俸一級巡光祿節省七百餘金奉旨紀錄巡福建計殲巨寇鍾凌秀劉香仔等敗其黨贖鏹除解京外餘伍千

兩悉糴穀備賑中丞某公因官評相激致省民之譁
公爲開諭皆俯首聽命曰劉公生我遂有北人不愛
錢之謠復命過家囊無長物卒詔頒金恤之

郡祀鄉賢豐祀

名宦

余爵字天有戊辰進士授撫寧令長才卧理百姓安
堵發康吏偽印之奸一邑畏若神明登萊兵過縣夜
謀公折其狂鋒卒致無虞改修孔廟諸生遂有中試
者丁艱歸民爲肖像勒石服闋補章印令却公用路
費三千六百餘金搜剔奸吏私派四千餘金委淨東

禹州志 人物

卷之七上

宦蹟

五

岳殿香稅及金銀童男按數登冊一無所取陞兵部
職方主事遷員外以病免樞輔楊公薦覈兵餉楊公
殂本兵薦監襄陽諸帥軍救汴出督師於圍中次年
再監軍救汴師次朱仙鎮李自成率衆夜歛其營公
擐甲執兵與戰不利爲其所殺瀕死罵賊不絕贈太
僕卿謚忠莊賜祭葬建祠恩廕兄子敦華從見監軍
被劄挺身往救並遇害詔復其家

撫寧宦蹟詳永平府志

董學益字伯虞叅藩九貢季子少慧讀書過目成誦
年十歲諸父飲課之破題題以月卽應聲曰盈虛者

如彼而卒莫消長也諸父竒之承庭訓博極群書弱冠積詩成帙自題曰巴人編中辛酉鄉試首額壬戌登進士第觀大理寺政卒於京邸公性恬靜不妄發一語每讌飲未嘗與人狎自發解抵登第青袍之外未製一新衣雖遵嚴訓亦天性然也視歸里人莫不垂涕

程一傑字卓菴性孤介言信行果生平未嘗一語及褻凡大義所關直任不避督修文廟効力獨多與兄一才齊名兄登己卯賢書公領歲薦選陝州訓導

高州志

人物

卷之七上

宦蹟

五

勤課諸生貧者槩却其餽陞山東利津諭造士有方陞陝西蘭州衛授辭不赴任鄉評推重五與賓筵卒年八十有六

楊蕙字德齋性至孝甘貧好學中萬曆戊子鄉試知陝西石泉縣廉介自持不畏強禦以整頓風俗興廢修墜爲己任有豪棍數人持令短長暴橫境內前官殊畏之蕙下車卽發其狀置於法一縣肅清學校傾圮捐俸一新歲旱禱城隍廟二宿果大雨竊盜初犯者薄責示警仍爲籌其生計未幾盜風止息去任後

石泉祀人名宦本郡入祀鄉賢

四朝

程宗濂字象周教諭一傑子剛正不阿有父風下帷
攻苦終身不少輟授徒百餘人多所成就順治戊子
貢成均秋闈復中副車考授通判改南昌幕上臺稔
其才凡巡檄署篆轉餉諸務皆屬之所在有實政陞
北城兵馬司指揮廉直不受囑托奸猾屏跡時總憲
環溪魏公巡城事少許可每重公之操引年告歸家
居十餘載進諸弟子談經課藝如舊數舉賓飲壽八

禹州志

人物

卷之七上

宦蹟

五

十八卒

劉延祐字受之侍御調羨子幼力學性恬靜寡營不
為紈綺之習常徒步里中人不知其為貴介蚤年喪
偶傍無妾媵終身不再娶授新蔡司訓修學舍課文
藝其特授士多有登科第者巡臺欲列薦刻公力辭
再補鞏縣振興文教如在蔡時其訓士尤以敦行
為先撫軍旌節至鞏深加獎詡年六旬即投告歸
生詣府苦留不得為之立碑頌其學政里居二十餘
載凡世事不與鄉黨咸服其德三舉飲賓累

十七卒嵩陽逸菴耿太史誌其墓

趙來鳴字開先訓導日躋子弱冠能文順治丙戌成進士授江南舒城令時東南初定舒無城垣到任始修築工未竣值鄰封寇擾路經舒以公清廉戒勿犯爲政鋤強扶弱省刑息事暇則進諸生講論課業僅半載百廢俱興有趙青天之稱母老歸里以詩文爲娛郡舊志出其手纂所著有錦囊集中州集交遊集藏於家卒年六十八

張璠字藍生總角入黌序以順治戊子拔貢廷試一

等選授浙江金華府通判值閩中軍興督運糧草軍需充裕浙中歲屢荒東陽義烏山民據險作亂軍門委監臨勦撫叅贊軍機屢戰告捷遂困土逆於山逆屬潛出探聽公得其踪跡密遣官捕其黨四十餘人宣示恩威遣令歸巢其魁何德成等遂率衆降乃請釋脅從使得自效陞粵西梧州府同知委署桂林府推官剛介自矢平反大獄無算復全活苗燹五百餘人再署南寧府篆有土司趙廷楠兄弟爭襲事下本府每赴審廷楠挾兵自重其弟廷梁復挾交趾土目

兵識者則又檄城守兵以自衛歷數官不能定公至
曰此何言審是交相鬪也乃撤護衛據公座令二人
匍匐以入斥言折之俯首心服辛丑卓異癸卯考滿
一等丁內艱歸服闋補湖廣常德府同知尋陞武昌
府知府武昌兵民雜處風俗剽悍獄訟煩興奸僞百
出公絕苞苴嚴法令豪蠹靡不斂跡黃鶴樓據郡城
之勝燬於火捐俸修復時名流李笠翁毛稚黃游寓
鄂渚暇則與之觴咏其上昔時治郡者日不暇給公
優然有餘閑也以外艱歸遂無意出山屏居於三峯

禹州志

人物

卷之七上

宦蹟

卒

南之范村足不入城往來戚友家惟一僕從依然常
布風又十餘年以疾卒公資性聰穎誦讀一過不忘
歷官二十年凡審讞悉手自削牘人咸比之劉穆之
云

劉湛字東里號黍山訓導延祐子博學能文熟於掌
故以恩貢授湖廣辰州府通判初至任府僚空無人
獨任郡治殫力經畫不避勞勩辰人德之以親老致
仕歸居父喪三年不啜葷酒更肆力左史及詩古文
聘修河南通志當事諸典禮未諳悉以諮公得一言

爲定一時碑版誌銘多出其手四方求文者無虛日
所著有酌古堂彙稿卒年七十八鄉謚曰介和柘城
竇太史作傳中牟冉太史誌墓

桂竒字鳳林幼年好學儀容瑰偉勇畧過人值明末
烽烟四起慨然曰丈夫立功名耳必掇高科哉遂棄
舉業杖策從戎甘肅提督張公見而竒之留帳下順
治十三年隨師湖南著功績補本標左司康熙乙卯
盜起臨蘭所在蜂擁蠃屯公率兵討平之補甘肅提
標守備丙辰賊圍鞏昌公擊退之馬塢鎮樂門犁川

禹州志

人物

卷之七上

宦蹟

空

皆爲盜藪率據險負固公相度機宜先後進勦斬首
數千級獲其旗幟軍器無算鞏昌賊又起公戮力決
戰殺賊盈壕鞏昌以寧張公上其狀陞授叅將尋陞
汝寧副將值湖廣叛兵猖獗公奉檄往勦直搗其穴
不旬日而定其御士卒部伍森嚴而恤其勞苦故能
所向有功署懷慶總戎卒於官年五十六

王福字千鍾順治戊戌科武進士體貌偉岸器度彬
雅初釋褐值海氛未靖有事於東南因効力兵部以
勞績授龍門衛所守備兵民并轄公以武弁勸課農

桑嚴查保甲境內肅然陞授壽張營都司壽張爲山東要害左梁山石榆園多萑苻之警蒞任後戎政明肅恩威並著一時嘯聚之徒投戈焉暇則濬池種蓮築堤栽柳集僚友飲會有雅歌投壺之風以疾卒余受字天錫天性醇朴十五補弟子員明季避難金陵國初旋里見紳士墳墓有被劫者率家人封之由歲貢任昨城訓導昨庠自明季以來宮墻茂草受倡義更新之凡十年致仕歸紳士爲立去思碑叅議韓公俊傑贈以文有紹鄒魯而闡宗風之語家居十年

禹州志

人物

卷之七

宦蹟

三

州守胡公禮爲鄉飲大賓年八十卒

趙士毅字修遠歲貢允升子少年讀書日以寸爲度年十八舉於鄉沉靜簡默任廣西柳城令旋丁外艱歸補湖廣鄖西令鄖在萬山之中單騎赴任以簡易治之民有事判於榻前如家人癸酉分校秋闈暑中行千餘里疾遂作撤闈歸鄖遂不起年五十七鄖民罷市三日囊無長物僚友捐金歸其喪鄖民老幼哭送百餘里爲立遺愛碑

趙經字仲常父士亨廩生幼聰俊重然諾尚義氣弱

冠補弟子員食餼雍正八年行保舉法制府以人才
薦試用山左署青州高苑縣廉介持躬強毅任事值
建青州滿洲城撥運木車千輛適歲荒毅然以去就
爭遂得免止出四十輛縣南有小清河數有水患高
苑長山兩縣民各訴於官公當會勘郡守議令增高
舊堤數尺以障水公執論兩縣皆朝廷百姓吾高堤
則彼民受害安忍爲之制府卒如公議輿論悅服會
鄰城諸縣蝗作奉檄協捕伏日炎暑不辭勞瘁疾作
乞歸卒

楊居午字中天康熙丁酉舉人觀政戶部授浙江紹
興府新昌縣知縣留心民隱以興利除害爲已任縣
東有溪可灌田舊設孝行碣久壞捐金修復之嵎縣
界有湖兩縣民爭水構訟久不決爲之三七分水定
例立石民各稱便縣水通台州百貨叢集惟鉄筏利
重例無官稅而私有陋規力爲禁革治居山僻無驛
站舊設均平夫以應差徭間僱鄉民支應民甚苦之
公悉除免給發工食民新墾河灘地不堪認糧聽其
便不爲起科他一切事凡有關民間利害者雖纖細

必盡力焉縣民余成遠以貧窘謀嫁其婦已與人合
券昧爽出城爲門者覺發公賞銀八兩令其團聚乾
隆十年夏縣境大旱公拜禱于天姥山步行六十餘
里大雨三日十一年八月石鼓堂災時疫癘大衍公
方卧病力疾出救向火拜甫畢火旋息其誠感神明
有如此然公竟以疫疾而歿公性謹厚不逆人詐素
行孝友早年登賢書事其長兄如嚴父蒞官以德化
民不尚赫赫名任縣僅二載餘以勞卒官未克有威
人咸惜之



州志卷之七下

儒行

國朝

李經世字孟常號函子諸生郡西白沙人天性端莊
凝重嘗冒險辨父誣于上官卒直其獄生平究心性
理值明季寇亂轉徙四方稍閒卽展卷默誦及旋里
屏絕人事終日澄心靜坐恍然若有所得旣而復自
疑曰是得毋入於禪乎不決者久之會上蔡張仲誠
先生講學本郡經世時年六十猶介同人納贄仲誠

禹州志

人物

卷之七下

儒行

一

一見稱之曰是不待文王而後興者也手題其齋曰
靜菴授以爲學次第周易疏畧諸書經世晝夜潛玩
孜孜不稍懈又與牟陽冉永光嵩陽耿逸菴二先生
反覆辨論益有得於性理之旨其力學之功老而彌
篤如此且接引後學重修白沙書院士子多賴成就
嘗謂聖人之學以仁孝爲本以敬爲主不事高遠祇
在人倫日用之間而已疾革作逍遙歌二章整衣冠
就枕而卒壽七十有二襄城李禮山表其墓所著有

一得錄尋樂集



劉澄字冰壺號琅城司訓受之仲子天性孝友篤志
向學少失母隨父任所視膳問寢惇惇孺慕居鄉里
教授生徒登賢書列黌序者數十人生平矩行方步
言咲不苟郡中游俠少年見之莫不歛容起敬稱爲
先生廩於庠將貢成均而卒

周馬字荏平號磊齋伊陽縣訓導前明殉難文學鳴
岐之冢嗣也性嚴毅尚氣節遭明季寇亂父遇難兄
弟各散及返里聞弟流落南陽急求之歸而授室熟
經史尤精研性理奧旨動履悉準繩墨士論推之任
伊陽時以身爲給士有敦實行者表揚不遺餘力華
亭沈公以道重伊川顏其堂

賈元勛字海日以明經爲靈寶訓導豐貌修髯冲穆
和粹幼遭離亂攜二弟間關萬里卒能生歸年四十
乏嗣二弟勸畜妾卒不應人以爲有元紫芝風授生
徒以孝弟忠信爲主執經問難者反覆開說詞氣藹
然鄉里遠近無不以先生稱之

楊景時字道南考城訓導幼授書過目輒成誦及長
以忠信篤敬爲學持身接物有古人風汝南全秋元

爲人所擠跡同張儉先生獨客之全有棲身培塿
孫嵩之句至今人稱道焉

王璣字冠佩篤志向學未弱冠入庠食餼潛心五經
四子書義理未解者孳孳不釋必貫通而後已大守
李公重其學行延主丹山書院遵朱子白鹿洞學規
開示多士終日正衣冠危坐士風大振爲文尤冲和
恬淡雍正元年授成均尋卒所著有四書講義十二
卷槐院課藝五卷

義烈

明

趙日躋字伯式弱冠卽著名萊陽宋公科試竒之謂
人口禹有二趙佳士也蓋指公與弟孝廉日宣云公
性孝友侍父疾夜不解衣者三月嘗謂諸子曰每見
先世兄弟食必共几行必聯鑣吾於昆仲亦狀朝夕
不能離也中年見時不可爲絕意仕進咏遊山水號
潁漁子屢舉鄉賓皆不赴闖賊圍禹編守南城被創
甚家人見之泣公曰無不死人吾得死王事幸矣何

禹州志

人物

卷之七

義烈

四

泣爲尋城破格鬪而亡崇祀鄉賢並配享忠烈祠

余全生字性之性剛毅爲文竒特狀貌甚偉小試數
冠郡士壬子本房首薦主司賞甚以五策傷時卒置
副卷辛酉選恩貢丁丑薦舉至京當事疾之公憤賦
約同舉上疏彈冢宰暨輔相諸人因獲罪授州同辭
弗就歸辛巳冬闖逆寇城謂弟侄曰我雖未仕已受
君恩當以身殉城陷同事促急去公叱曰旣臨難焉
避害遂拔劍刎西城汎地

周鳴岐字聖瑞郡學生每讀書見古人義節錚錚者

輒自奮勵相期許以數困踴塲屋遂絕意功名隱居授徒及逆闖之變兵巡李公籍之守陴或以事不可爲促之去曰國家養士三百年報之正此時耳城陷被執厲聲色罵不絕口賊傷其吻猶嚙血含糊曰得從李公地下幸甚當速殺我賊怒殺之巡道沈詳其事旌之

李儀化性至孝父有疾日夜涕泣禱於天遂愈事母溫清如禮總角爲文卓備中丞連公甚器愛之歷代人物皆有評定雅慕劉伯溫嘗擬其百字令百餘首

有人告以營產輒鄙而拒之舌耕自給詩書之外他無嗜也闖寇逼城拜母柩前約友人誓以必死城破果不屈而死郡侯蔡公旌曰烈丈夫友人田種玉陳懋侯九韶皆同時死難

侯九韶字鹿野太學生性慷慨明季寇亂捐金造城頭箭牌脩捍禦辛巳冬闖逆寇禹兵巡李公命分陴守城城破李公被縛執刃奔隨罵不絕口賊持戟刺其喉死

張孟純東張里人與弟孟節孟夏俱備幹有勇力明

季兵侵室家散亡且絕粒或謂之曰李際遇方屯
西山招納亡命君兄弟往必見收卽不濡殺亦足果
腹純應之曰小人家世食力雖喪亂之餘終不欲依
盜賊苟活遂兄弟相枕籍死

馬桂孝子天福曾孫父卒廬墓三年明季盜起桂獨
守墳墓一日率家人拜掃突遇賊賊見其狀貌魁梧
欲脇之去罵賊不屈被斫死時家人驚散兒媳焦氏
與女六姐守屍痛哭賊義而舍之遂藉以荆瘞遇害
處州守屠用謙署州事王大綸俱旌之

禹州志

人物

卷之七

義烈

六

席所琳字林玉郡庠生少負氣明崇禎辛巳城陷賊
脇之從所琳罵不屈賊怒縛之乘間投井賊下石擊
之死

義行

明

董英 李禎 李銘 任諒 梁圭 陰煥 正統

間有旨勸民出粟賑荒英輩各納一千五百石有司上其事旌表其門

馬貴景泰年以邊警輸粟有司奏聞給冠帶仍旌以坊

馬瑞當成化時西陲告急下令民間輸粟瑞輸粟實邊有司上其事授七品散官遇年饑糜粥活人甚多

高州志

人物

卷之七

義行

七

又二年弟瓚輸粟助餉事上於朝嘉其義亦例授七品散官

李愷剛直有斷鄉曲事無巨細兩言而決退無異辭成化十年大饑出粟六百石賑濟有司禮爲鄉飲賓壽八十四

馬榮成化二十年大飢出粟千石賑濟

盧綱成化四年納粟五百石受勅旌表

孫貴州西順鎮里人同鎮民張明貸勢家銀三十兩醉遺於道比至家兄弟聚哭貴見之嘆曰此必傷人

命矣歸言其事乃聞已子增得之即完付於明嘗行
債登封夜寢於金店唐明之家盜攻唐氏戒曰勿驚
孫老

李備撫二弟間任皆成名經歲荒施粟賑飢按院旌
之

馬懋字肖古叅議斯臧子性豪俠萬曆三年施義田
二十頃

國朝

張景良庠生有山左田國盛密貯金景良處忽國盛

禹州志

人物

卷之七

義行

八

醉死於塗景良即出其銀盡爲棺葬之費知州李永
彪旌其門

生員董邦治能文章自設義學貧不能卒業者皆教
之多所成就

王昌字惠宇登封庠生禹人也少遭亂不輟學年二
十從父兄避難於密邑歲餘父兄亡乃冒險奉母嫂
還禹順治初年亂甫定人不知學昌二義塾教授生
徒族人王之模家貧昌爲娶妻授虛田爲王之義娶
妻妻亡再爲娶里人王佑張武傅永福王輔等孤貧

無依皆爲娶妻且佽助焉康熙四十八年春饑散積穀以活衆年九十三卒卒之夜有群鶴飛聚庭前達曙而去里人異之競爲詩文以紀其事

冀倬字漢章生員兒時與父食棗擇其瘠小者食之善事繼母邊氏外家貧出已貲三百金爲置田頃餘析居時弟之子衆多以別墅田三頃讓之

楊世華庠生文英子康熙四十八年歲歉家積雜糧三百餘石悉散之戚友貸其銀至六百餘兩不能償輒焚其券里人義之

陳三哲世業農家初貧以賈術致數千金族兄三策爲官事以地求售却其產贈銀濟之於襄陽道見鬻鬻女者相持泣卽贈銀令完娶修嵩東山路及石梁仙墳堰口權家店沈家庄諸橋費以千計許州太守姚州守高旌其門曰樂善不倦曰太邱家範

陳從任監生幼業儒析居時念其兄貿易獨勞以田二頃宅一區讓之修理石固橋捐銀二百兩助工鄰人魏留郭連城親死不能殮助以棺又與以錢麥每冬月施衣百件行之十餘年不倦州守章 匾其廬

曰古道在人

王道中字貫一紅暢鎮人康熙六十一年歲歉出粟百餘石賑鄉里乾隆五年秋淫雨穀價昂貴減值糶米麥數百石乾隆六年倡修藍水河石橋又修潁水石橋及普濟堂聚星書院捐助獨多又置義塚施棺木晚年聚子侄孫曾輩教以孝弟節儉至今百口共食五世一堂公藝之風爲不遠矣前儒學孫州守高俱表其廬壽七十四卒郊邑劉太史和誌其墓

禹州志

人物

卷之七

義行

十

胡大猷字濟遠監生常買鄰縣張姓徐姓女爲婢後聞張女已字人招其父予之不責償并徐女亦厚其粧奩嫁之人稱其厚云

孝子

漢

胡定潁川人至行絕人在喪雉兔遊於庭常雪覆其室縣令遣戶曹排雪問定以絕穀妻子皆餓不能起令遣掾以乾糗遺之定乃受半

李曇潁川人少孤事繼母至孝陳蕃等薦之曰曇德純脩擢登三事必能贊宣盛美增光日月桓帝以安車立纁徵之不起

晉

禹州志

人物

卷之七

孝子

十一

庾袞字叔褒明穆皇后從父也天性孝友躬耕養親父歿作筐賣以供母母卒廬於墓或有斬其卹木者莫知其人乃召集鄰人自責因叩頭流血自後人莫之犯父在時常戒其飲酒後每醉輒於墓前自杖三十先是咸寧中大疫二兄俱亡次兄毗復危殆瀉氣方熾父母諸弟皆出次於外袞獨留不去親自扶持晝夜不眠其間復撫柩哀臨不輟如此者十有餘旬毗病差袞亦無恙有孤兄女名芳將遣嫁袞刈荆條爲箕帚訓之初齊王冏倡義張泓等掠陽翟袞率衆

保禹山泓不能犯撰保聚壘議二十篇圖一篇

南北朝

李顯達陽翟人父喪水漿不入口七日髻髮隨落形體枯悴廬墓六年哭不絕聲殆於滅性州牧高陽王雍以狀聞元魏靈太后詔表其門

元

劉郁元鄉進士父卒葬潁川之陰廬墓側晨昏哭拜運土建塚三年如一五十而慕

曹從矩性至孝至正間父疾卒從矩以禮葬於祖塋

禹州志

人物

卷之七

孝子

十三

畢遂廬墓側躬自燒磚修築墳臺三年未嘗與妻子見由是孝行著聞鄉老馬和之狀其實于州知州門信上其事至正己丑旌表其門

明

張宗魯禹州人父早逝四歲失明二十遭亂負母路氏逃難其妻扶掖以行歲饑宗魯賣卜以為食日給不足則妻採野菜以繼之天下既定宗魯奉母還故鄉竭力供養母卒仍求其前母曹氏沈氏吳氏三人遺骸合葬父墓洪武十七年四月禮部請表其孝行

詔從之後人贊之以詩曰兩目俱盲世共憐况當負
母亂離年又逢荒歉艱難際致養全資賣卜錢又生
平孝養奉親闈墓母持喪禮弗違五色天書崇孝義
門閭旌表有光輝見孝順事實

袁節永樂中母卒時在外及歸廬其墓寢苦枕塊結
髮如毡蟣虱不生時山水漲至不入其塋有司以聞
詔旌其孝

李恭以醫著名父卒廬墓三年永樂三年方司馬廉
知薦於朝徵爲太醫院九敷對率能稱旨

楊齋性敏好學父喪廬墓三年寢苦枕塊朝夕哭奠
植栢城林烏鵲巢其上馴擾如所畜正統元年旌表
其門

陳希全弘治中歲貢教諭初爲秀才時父母雙喪廬
於墓側墓上生芝人以爲孝感所致繼母弟請分爨
異居全辭不獲盡以產業遺之有司上其事旌表其
門致仕歸正德中繼母葬全年七十餘仍廬繼母墓
朝夕哭奠焉正德六年流賊萬餘人圍城殺人盈野
墓所見全歛手致敬遺以金帛固辭不受

韓儒母墓廬墓側終三年成塚子尚禮郡庠生爲母廬墓三年塚傍有古楊中空自中空處生二幹上合爲一時人謂之孝樹州守莫書世廬旌其門州守劉旌以世孝

董輔父早喪事母孝雖貧必求甘脆手奉母未食不敢先或時新亦狀母疾不能下床夫婦手持便溺迄終罔有渝兄覲獨事之如父鄉黨有燕飲必爲加儀囑曰請兄來卒禮葬之弟弼尹榮河未嘗一至任報卒卽往赴歸視仍成墓遺孤三厚三詔俱爲之娶其

禹州志

人物

卷之七

孝子

古

幼無歸者育之同已出長爲娶分子宗仁產給之因名宗義宗仁亦無後言俗爲之語曰我有五箇兒不如董輔賢我有七箇孫不如董道立道立宗仁小字也年七十七太守劉公禮爲鄉飲賓不預

馬天福字希德官徽府典寶母安氏卒結廬墓側朝夕哀號肩土成卹三年如一日

艾秀春世爲禹州人天性至孝父故母焦氏孀居失明春每朔望禱於城隍積三載焦氏雙目復明人以爲精誠所感州守蔡公永華旌之

陳應泗父繼善以醫傳卒霍山泗號泣奔霍扶柩歸
塋廬墓側甫兩月母卒以禮合塋仍廬墓所朝夕哀
泣負土成塚三年喪畢方歸州守卜公鏜旌其純孝
申兩院蒙按院林 題准旌表以家貧不果建坊卒
之日鄉人以孝題其墓今碣猶存

王濟父病思肉食濟割股啖之乃瘳壽八十餘卒

李繼事母孝母疾乃割股肉爲湯進疾遂愈鄉人賢
之

張進孝母病割股肉進母食而愈前太守旌其門

禹州志

人物

卷之七

孝子

五

党倫母病割股母食而愈按院卹公旌之

李時興庠生明季寇亂同妻孫氏奉母避難中途賊
猝至時興欲負母走母大哭牽孫衣不忍捨孫恐姑
媳不能兩全且累夫乃投井 時興遂負母得脫母
以壽終時興亦年逾九十卒

國朝

余正華字君貞拔貢生忠莊公爵之子痛父討賊殉
難終身養母不仕鄉謚貞孝先生乾隆八年奉

旨建坊祀鄉賢忠義有傳

金大成字振聲溫縣訓導質遲鈍銳志讀書不得於心輒刻苦數日不釋明季寇亂父覓食外邑阻賊不得歸城陷獨奉祖母及母匿三峯山中晝藏夜出尋野果啖二親康熙初貢成均廷試賜梨二枚懷歸奉親復種子於庭成樹結實親猶及見之年八十五卒梨亦枯人稱孝樹

宋又祁字仲元貢生性孝友父卒居喪盡禮服闋猶寢居柩側每夜半哀至輒衣冠憑柩而哭初父病革囑以必俟長孫備入庠乃葬忽一夕有火光見於喪

所泣禱於神請葬後身受其殃果焚一屋喪所得無虞與兄又郊相友愛終身無間壽八十一卒鄉謚介和先生

孫廷尉字殿颺幼業儒至孝清貧無以爲養乃躬勤操作供甘旨父母歿每思立身行道以揚其親常夜讀達旦補弟子員年已高遂辭塲屋長子裕遠次子廣生先後登賢書廷尉戚然不樂曰吾親不及見也家故貧遇窮乏者必隨力濟之坐此益困戚黨以爲言廷尉曰此先人志不敢忘也制府及州牧俱旌其

門壽七十五卒

王際泰善醫年十六父病割股以進病尋愈州守胡承祖于國壁皆旌其門

董元郡庠生年十一隨母往瓜田中突遇群狼噬其母元折樹逐之得免鄉人共稱其孝

李嗣臯辛安隅人母病嘗糞和藥病旋愈人謂孝感所致

孫賢定里人兄弟五人六世同居人稱望族

文苑

東漢

荀悅字仲豫潁川人年十二能說春秋家貧無書每於人家見篇牘一覽多能誦記獻帝時官至秘書監侍中時政移曹氏悅乃作申監五篇奏之帝覽而稱善帝以班固漢書文繁難省乃令悅依左氏傳體撰漢記三十篇

魏

邯鄲淳一名竺字子叔潁川人博學有文章又善蒼

禹州志

人物

卷之七

文苑

六

雅蟲篆許氏字曹操素聞其名名與相見甚敬異之會稽典錄曰上虞長度尚有弟子邯鄲淳者字子禮弱冠有異才尚先使魏朗作曹娥碑文成未出會子禮至因試使為之子禮操筆立成無所點定朗嗟嘆不暇遂毀其草而勒于禮之文於碑所謂黃絹幼婦外孫壘白者也

唐

韓毅潁川人工草隸玄宗時為太子賓客孫氏陽翟人註韓文見唐詩引証目

宋

曹組與兄縉有聲太學能詩文宣和三年始登第郊禮進祥光賦詔給事殿中爲睿思殿應制與李質各獻良岳賦上善之著箕頰集二十卷

明

李叔允洪武初由儒士授國子監博士纂修昭鑒錄書成擢翰林修撰又與宋濂等修洪武正韻等書後致仕濂與劉基等皆贈以言

邊寧字定之少有文名永樂戊子舉鄉試任綿州郾

州志

人物

卷之七

文苑

九

州學正詔入文淵閣纂修永樂大典校正七館書文鄉人稱爲邊夫子

陳東光字叔晦號平崗好古善大字尤精小楷所至人多購求甲午中鄉試明年成進士選庶吉士館課試以原政論讀五倫書有感詩咸第一文名大噪於時鄉里後進稍涉驕浮人輒訾笑之曰若有陳平崗文耶乃傲物在館中旣以才名爲時所嫉又高自矜許多忤館師意遂左遷聞命卽跨一蹇刻期就道或挽之徑不聽抵任所七日而起歷雲南按察使四川

布政使歸卒於家

國朝

劉玉威字蒼佩號樾菴通判黍山子性沉靜口不臧
否人才敏學博善文辭及草聖工詩弱冠卽名噪中
州北遊趙魏入都門諸公卿多頃蓋然非其好也謝
歸嘗與竇靜菴冉永光耿逸菴諸先輩講蕪門之學
作詩文畧不構思傾刻而就人有求者皆如其願以
去郡中有大典禮必諮之所著來嵩閣詩集文集若
千卷藏於家年七十卒

禹州志

人物

卷之七

文苑

二十

趙冬晟字友春號松園舒城知縣來鳴仲子幼穎異
有神童之目十歲能詩登偃蓮頂有瑤池仙種非人
間誰向西王侍宴還疑是醉中摘一朵拋來此地便
成山之句十二入學落落有大志每譏絳灌無文隨
陸無武因額其堂爲兼習行年五十貢於鄉與陳蘭
崖馬子陶劉蒼佩唱和往來爲忘形交詩益沉雄年
七十九授林縣教諭以老辭所著有松園詩草吳越
游草怡山堂草四書日講偶筆卒年八十五
董祿宏字玉崑號前月明經大叅九貢孫高才博雅

天分過人工詩古文詞灑灑數千言立就工書畫愛
郡北崆峒名勝時乘短驢登臨其上數月忘返因別
號峒山道人所著有峒山集醉吟集狂仙放言丹青
引
康允執字嵩中性高潔幼嗜經史過目不再讀所著
飲香集若干卷年八十餘學者稱爲義成先生

陳鳴皋字鶴士號蘭崖別號旣峽散人性高曠讀書
過目成誦未弱冠補弟子員旋拔成均初赴省闈搜
檢欲解其衣拂然而歸自此絕意仕進於城隅闢園

林延同志者飲酒賦詩州守劉聘修州志考核最精
確所著有輞山讖語及五服指掌撮要圖歌述災
小令後述災小令若干卷

馬淑字子陶號峯山農部慤之孫郡諸生也性穎異
日記數千言工詩詞河南通志採入藝文與弟灑相
友愛白首無間入省闈已登薦額因謄錄錯訛被落
遂不復走場屋日與二三高人飲酒賦詩尋山問水
而已所著有野吟集

隱逸

東漢

司馬徽潁川人有知人之鑒龐統少時樸鈍未有識者統冠以從父龐德公命往見徽徽採桑於樹上坐統在樹下共語自晝至夜徽甚異之稱統爲南州士之冠冕由是漸顯

晉

盧損爲秘書監拜章辭位乃授戶部尙書致仕退居潁川時李穉年將八十善服氣導引損以穉之遐壽

禹州志

人物

卷之七

隱逸

三

有道術酷慕之仍以潁川逼城市乃居陽翟立隱舍誅茅種藥山衣野服逍遙於隱凡之間出則柴車鶴擎自稱具茨山人晚年與同遊五六人於大隗山中
大仙觀䟽泉鑿坯爲隱所誓不復出山氣多寒被病而卒時年八十餘齒髮不衰而有壯容

唐

杜生陽翟人不知其名邑人但謂之杜五郎所居去縣二十餘里有屋兩間一間自居一間其子居之室之前丈餘卽是籬門杜生不出籬門凡三十年矣黎

陽尉孫軫問其不出門之因笑曰以告者過也指門外一桑曰十五年前亦曾到此下納涼何謂不出門也但無用於時無求於人偶自不出耳問其所以爲生曰初唯與人擇日賣醫藥以具饘粥後子能耕鄉人與田三十畝令耕之有餘力又爲人傭耕以此食足自爾擇日賣藥一切不爲又問常日何所爲曰端坐耳問頗觀書否曰曾有人惠一書冊無題號其間多說爭名經當時極愛其議論今亦忘之並書亦不知所在矣

詳夢溪筆談

禹州志

人物

卷之七

隱逸

三

褚惠字仁靜陽翟人晉安東將軍瑛之七代孫也曾祖元振周縣令祖德康隋郡長史父倪縣尉公業紹箕裘鍾靈川嶽恬於勢利絕於聲色閑居一室游心六藝每清風朗月縱酒題編春秋六十五卒於館舍以大唐咸亨三年九月二日遷窆於郭村北原嗣子買德銘其墓

詳見徐憲使築垣所得誌石

宋

陳恬字叔易居陽翟澗上村號澗上丈人無仕宦意崇觀間朝廷召之郡守勸駕不得已而起晁以道時

致仕居嵩山有詩云處士誰人爲作牙盡携猿鶴到
京華從今林壑堪惆悵六六峰前只一家又過澗上
丈人陳恬故居詩云北山去已遠南山云已近駟車
兩山間舉策聊一問昔有隱君子出處頗矛盾平生
勇且直垂老畏而慎皆譏言也後靖康間以道再起
而女弟四娘適唐氏者頗復誚其出焉 見詩話

李薦字方叔惇之子惇字憲仲賢而有文其先自鄆
徙華州謂潁爲人物淵藪始定居陽翟嘗從東坡學
長於詩文登鄉貢有大志元祐初東坡知貢舉薦適

禹州志

人物

卷之七

隱逸

三

就試意在必得薦以魁多士及攷章援程文大喜以
爲薦無疑遂以爲魁旣拆號悵狀出院以詩送薦歸
薦自此學亦不進家貧不甚自愛嘗以書責子瞻不
薦已子瞻後稍薄之竟不第而死有師友談記一卷
文集詩話一卷

明

邊賀字文慶天資穎慧閱詩過目成誦工於古作郡
祠宇碑銘多所撰記幼與蔣少叅講學極有發明數
勸進取不聽隱處靈泉里耕灌吟咏畧無外慕自號

箕山遯夫年八十四卒

徐祿字天錫西南隅人少有至性讀書過目輒不忘從父純習舉子業由儒士應鄉試者二以不合於有司遂著分定論築居於輞山之麓垂三十年足跡不履城市尤邃於易倘佯山水翛然無外物累年八十三卒

郭銓字邦器折節向學以貢入太學肄業時言官封事有重科目而抑歲貢者銓聞之卽免巾投地燃燈草奏數百言議論剴切氣節凜然當路者止之悵狀歸東原遂不入市卒老於家所著有東原小稿國學隨筆

禹州志

人物

卷之七

隱逸

三五

楊政儀貌竒古幼好學不事舉業足跡不及城市事父母孝謹友於兄弟終身無遽容村西置園數畝築室修藥鑿池養魚日延四方高士論議故典飲酒微醺卽止晚遇異人授秘術煉服丹砂注顏引氣郡守廬陵劉公三迎鄉飲卒不至壽八十餘而終

張翼少業儒長精數學遊於洧上范太常守已貧而孤翼竒其造躬教之學范起家進士以文名世傳其

數更加精研占驗有準詔以太常少卿修大統曆終身事翼翼三十餘始遊庠未五十卽棄去隱居潁水北村不入城市幾三十年自號潁濱居士年八十餘卒預知來生事人尤異之范太常爲購章服有贈序國朝知州胡承祖表其門

王易醴泉令用賢子少傳家學徽王強招爲婿雖在侯門惟嗜詩書絕不以富貴介意徽府廢獨免於禍家無餘資與妻偕隱南園種菜自給喜吟咏善趙松雪體惟與一二知己啣盃聯句縉紳雅敬重之妻被其化甘貧如飴夫婦偕老八十餘卒著有堊鼻草連中丞爲之序

董九章字仲衢九貢九叙弟也兩兄科第宦遊章躬耕百畝遯跡子產廟前村惟以務農完租爲事終身無華衣美食戴民巾不易有以雜職剗授者面發赤堅却之曰農人安用此鄉人稱爲董小帽前太守田公蕭公延爲飲賓皆不赴

飲賓

明

馬紀質性簡朴以禮自衛里人重之弘治中禮請入
飲

連昂少遊學序篤信好古不樂仕進晚年耆德著聞
正德初禮請入飲

李輔字德襄壽九十七三爲飲賓子鶴松壽九十餘
亦以耆德入飲一門五世同居鄉里稱焉

李志和忠信孝友鄉評推重正德中禮請入飲

禹州志

人物

卷之七

飲賓

七

武志孝資性剛方明農教子終身行無過舉嘉靖中
禮請入飲

連梧以訓導致仕萬曆初禮請入飲

程一傑以教諭致仕忠信耿介鄉評推重萬曆中五
與賓筵

國朝

劉延祐以訓導致仕性恬學邃鄉党懷德順治初數
舉賓飲

程宗濂以兵馬司指揮致仕剛正廉直順治初屢舉

賓飲

趙端雲號正菴端方有盛德當明季亂時卹貧賑濟
居人賴以全活者甚衆子允升貢成均孫士毅舉孝
廉士愷士亨俱列黌序人以爲積善之慶禮請入飲
壽及八十卒

羅九章號少岡忠謹大度寇亂時散家財與里人同
里賴以保全教諸子力學子光璧領歲薦光璽光琮
光瑜鳴孫大典幹忠俱爲庠士少子廣又舉賢書順
治中禮請入飲壽七十餘

禹州志

人物

卷之七

飲賓

天

余受以訓導致仕芝眉古貌人稱金玉君子康熙中
禮請入飲

金經練字太洲賦性剛毅有氣節明季爲賊所執不
屈逃匿山中時平補弟子員告除土寇張陽設帳間
里多所成就舉飲賓五次

羅賢字則與增廣生好古守義鄉黨推服康熙中禮
請入飲

楊淑止以教諭致仕孝弟忠敬齒德兼隆乾隆初禮
請入飲

彭延祀字紹先武生孝繼母友異母弟生平端方朴直乾隆初禮請入飲給八品頂帶

馬相閑字北園孝弟醇謹鄉里欽重乾隆初禮請入飲

劉允釐以訓導致仕勤慎孝友廉介公正乾隆三年禮請入飲

馬智國學生善事繼母息撫孤姪以勤儉成家者德著聞乾隆三年禮請入飲

宋卓國學生守身事母見義奮然必為乾隆三年禮

禹州志

人物

卷之七

飲賓

无

請入飲

賈維漢字定鼎孝父母義方教子多入庠德重鄉評舉鄉飲

陳三益居家孝友樂善好施鄉評推重乾隆三年禮請入飲

附養老

恩詔

康熙二十八年欽奉

恩詔內開軍民七十以上者許一丁侍養免其雜派差役八十以上者給與絹一疋棉一觔米一石肉十觔九十以上者倍之禹民蒙

恩七十以上者趙文第等四十七人八十以上者楊柱等三十八人九十以上者曹以全等二人

雍正十三年九月內欽奉

禹州志

人物

卷之七

附養老

三

恩詔內開一軍民年七十以上者許一丁侍養免其雜派差役八十以上者給與絹一疋綿一觔米一石肉十斤九十以上者倍之禹民蒙

恩七十以上者石國瑞等一百二十三人八十以上者任國標等一十七人九十以上者曹文秀一人

雍正十三年十二月內欽奉

恩詔內開一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩禹婦蒙

恩七十以上者劉謝氏等四十七人八十以上者黃劉氏等五十七人九十以上者張郭氏等十五人

乾隆元年二月內奉

上諭上年 恩詔凡民人年七十以上者許一丁侍養八十以上者給與八品頂帶以榮其身朕思直省生監中有年登耄耄者祇以名列膠庠轉未邀恩錫于引年尚齒之典尚爲未備着通行內外直省凡屬生監年七十以上者優免一丁八十以上者給與八品頂

帶禹人蒙

禹州志

人物

卷之七

養老

三

恩者武生彭延祀增生郝頴彥二人

康熙六十年三月內八十歲者民董祚蕃同河南各省老民恭進

洪福齊天

萬壽帳各獻方物一百一十種

恩賜黃絹壽衣一件喜銀四兩雍正元年祚蕃八十二歲妻賀氏八十五歲同蒙

恩賜乾隆元年又蒙

恩賜後俱年逾百歲而卒

游寓

周

昭獻楚人在陽翟

漢

宋均字叔庠南陽安衆人以父任爲郎年十五好經書每休沐日輒受業博士通詩善論難卒以母喪去官客授潁川後爲司隸校尉河南太守

唐

盧照隣字昇之范陽人有豫爲墓在具茨山下病久

禹州志

人物

卷之七

遊寓

三

與親屬訣沈潁水死

見唐詩品彙

李翰進士調衛尉嘗撰張巡傳上於朝巡大節始白於天下義士多之遷翰林學士大曆中病免客陽翟卒翰爲文精密而思遲嘗從令皇甫魯求音樂每思涸則奏樂神逸則屬文

杜穎甫弟甫有陽翟空知處詩爲遠懷穎觀等作也陳夷行字周道其先江左人世客居潁川由進士爲翰林學士莊太子在東宮兼侍讀五日一謁爲太子講說開成二年同中書門下平章事楊嗣復李珣相

次輔政夷行介特雅不與和又素善鄭單陰助其力以排斥朋黨天子惡其太過恩禮遂衰罷爲吏部尚書尋拜華州刺史武宗卽位召爲御史大夫俄遷門下平章事遷尚書左僕射以足病乞罷爲太子太保檢校司空河東節度使卒

宋

楊億字大年建州蒲城人七歲能屬文對客談論有老成風年十一太宗詔試詩賦五篇下筆立成太宗深加賞異授秘書省正字特賜袍笏俄丁外艱服除

禹州志

人物

卷之七

游寓

三

會從祖徽之知許州億依焉務學晝夜不息徽之間與語嘆曰興吾門者在汝矣後官至翰林學士有別墅在許之陽翟祥符中母病歸陽翟謁告不待報歸省俄自以病乞解官後起復爲學士卒謚文公葬陽翟具茨山下生平所著別集甚多有穎陰韓城二集乃避讒佯狂歸陽翟時所作

張宗諤蜀人罷官歸陽翟蘓長公稱其高

詳見東坡集

楊侑字弁叔大年季弟也官禮部員外郎歿葬陽翟仰高村之原

晁冲之字用道一字叔用方紹聖之初天下偉異豪
爽絕特之士離讒放逐晁氏群從多在黨中用叔于
是飄然遺形逝而去之宅幽阜廕茂林于具茨之下
暨朝廷諸公謀欲起之乃復任心獨往高抱而不顧
至于茨革乃取平生所著書聚而焚之曰是不足以
成吾名生平多所論著皆不傳惟具茨集行于世

明

徐中孚其先湖廣邵陽人父明善由儒士宏才博學
正統間大學士楊溥薦知州事居數年民感其澤遂

禹州志

人物

卷之七

遊寓

三

占籍耕釣潁褚之間生子永七歲稱神童矢口成文
未冠發鄉科登進士官至叅議子孫多醇良郡人推
爲冠冕

李夢陽字獻吉陝西慶陽人也父流寓大梁母夢日
墮懷中寤而生公故名年十八舉陝西鄉試第一明
年弘治癸丑舉進士丁內外艱戊午授戶部主事倡
古文辭以變衰陋斷自秦漢而止六代以下弗論也
乙丑進員外郎外戚壽寧侯張氏怙寵驕縱開張皇
店奪民莊田聲焰薰灼莫敢問公獨上疏論爭中官

昭聖大怒孝廟不得已下公錦衣衛獄拷掠詰責辭氣無所撓孝廟坐文華殿召見大學士劉公健李公東陽謝公遷問李夢陽宜何如劉公叩頭對曰夢陽狂直不足深罪孝廟色變李不敢對叩頭而已謝公從容對曰李夢陽雖狂然其心無他實欲効忠於陛下孝廟曰謝先生言是有旨夢陽復職一日孝廟獨召見兵部尚書劉公大夏謂曰初下夢陽獄中中人皆勸朕杖之其意實欲殺夢陽以快中宮之怒使朕負殺直臣名其不忠如此朕故釋之劉公曰陛下此

事卽堯舜之心也正德改元丙寅進郎中太監馬永成劉瑾等蠱亂朝政給事中劉苾陶諧相繼論奏而大臣未有言者戶部尚書韓公文日流涕憂憤公進曰大臣同國休戚此而不言焉用彼相韓公慨然曰吾當言言而獲罪報先皇帝于地下耳乃令公草奏文多載集中疏入詔廷議其事而八人者環哭上前乞命事中變瑾遂召入司禮監而中官王岳范榮皆竄死明年丁卯大臣多罷免瑾知韓疏公手草也書憾不已矯旨奪劉公健等四十八人官放歸田榜爲

黨人公與焉然瑾必欲殺公又明年戊辰矯旨羅織公罪械繫逮京師再下錦衣獄公之內弟左國王者問行徒步從公上書康狀元海勉以大義賴力救得免放歸大梁庚午瑾敗辛未起公江西提學副使振起古學力變宿習褒獎義節訓正禮俗士翕然向風公既才高負氣不肯同流俗人多忌之而江御史某與公有嫌遂相奏許天子命理卿燕忠體勘下公廣信獄摧苦殊甚公不稍爲屈竟文致閑住後大臣暨撫按數論薦不用所著有啞峒集若干卷嘉靖辛卯

就醫京口還大梁病卒葬禹州大陽山下吳郡袁襄表其墓

蒞宜字時中其先遼陽人父政由進士任徽府左長史以正輔導王敬重之公嘗愛禹之山水雖仕已而不忍去宜隨任讀書遂占籍焉入禹庠貢太學授遼東安樂府訓導宜子崇賢亦爲庠名士

宋登春新河人能詩文寄居陽翟與党中丞善張鼎文浙江秀水人善古文詞避讐亡命覽中丞時爲藩伯愛其文携至禹薦于徽藩教諸公子魏大司

空亦敬理之四方求文者益衆曾上書張大岳相公
張竒之禹之碑銘撰記率出其手書效趙子昂體雖
委巷遠村莫不藏其筆跡婦人小子皆知其能文卒
塋城西二里許著有椒蘗生集二十卷行于世

國朝

韓鼎業字子新直隸盧龍人舉明經侍御應庚之孫
博學能文慷慨尚氣節從學夏峰孫徵君之門與宋
荔裳湯潛菴諸先生最爲友善嘗過大梁倡修信陵
君祠登大陽山封李崆峒先生墓其義行類如此因
與太守史公有舊自密來訪遂家此所著有友棠樓
集年七十餘卒

禹州志

人物

卷之七

游寓

七

鍾國士字爾知覃懷河內人性狷介端方不逾繩尺
少從學夏峰與耿逸菴太史韓子新明經爲同學益
友康熙丁巳設帳于禹遂家焉年五十餘偶疾作詩
戒子一夕沐浴畢端然而逝

葉魯白徽州歙縣人年七十餘携一琴一笛客遊于
禹琴得楊太常遺響絕妙一時酒酣輒慷慨起舞或
賦詩吹笛作梅花弄自謂于笛能吹七調半他人不

知也以疾卒其友韓子禹業葬之潁水之原焚琴墓
下太守史公題曰魯白先生之墓

方伎

南北朝

褚澄善醫術齊高祖建元中爲吳郡太守百姓李道念以公事至澄望而謂曰汝有異疾答曰舊有冷疾至今五年衆醫不瘥澄曰汝病非冷非熱當是食白淪鷄子過多所致令取蕪一升煮服之始一服乃吐出一物如升涎裹之能動開視之一雞雛也羽翹爪距俱全足能行走澄曰尚未盡更服所餘藥又吐雞如前者十有三疾遂愈當時稱妙所著醫論十篇世

禹州志

人物

卷之七

方伎

三

稱褚氏遺書

唐

吳道元陽翟人後避元宗諱改曰道子遊洛陽筆法超妙爲百代畫聖初爲瑕卽尉明皇聞之詔入供奉爲內教博士非有詔不得畫由此名震天下早年行筆差細中年行筆磊落如蒲葉條人物有八面生意活動其傳采于焦墨痕中畧施微染自朕超出縑素世謂之吳粧或謂張僧繇後身元宗思嘉陵山水使道子往觀之回奏云臣無粉本並記在心遣畫于大

同殿中嘉陵三百里二日而畢又殿內畫五龍鱗甲
飛動每天將作雨卽生烟霧名畫記以吳道子顧愷
之等四人爲正經黃山谷稱道子不加丹青爲墨行
之師東坡亦云神妙獨到秋毫之末

明

孫相世爲陽翟人元末任山西平陽府醫學教授相
生思忠爲明初名醫思忠生奉源典科源生希禮太
醫院博士宣德中學正朱仲堅有疾夢天神示以丹
篆曰希禮神醫迎而醫之果愈希禮生鎬生釗釗生
清傳祖父秘訣醫尤精妙臨穎大學士賈公重其術
爲詩以贈之

禹州志

人物

卷之七

方伎

四

侯邦寧善醫性高雅不治生產但市園亭一區種藥
栽花與相知園碁飲酒或焚香鼓琴所得名人墨蹟
什襲珍藏卷軸滿篋太和王有疾瀕危一藥而愈名
重一時

李闔瞽目善卜每午後卽下簾靜坐問亦不告旣買
卜者多亦不獨利所得卜錢日用足給外輒以施捨
司理王公駐禹以憂家延闔卜之甫入門公卽曰若

知鞠風首爲誰應曰已許連三矣連三者連孝廉得
民也啟視之果然遂竒之所卜家信皆如其言

王奎石遺其名少遊燕邸善畫人物其爲鍾魁像極
其醜態雖百紙不能襲也百仙圖有翛然塵外之致
百美圖雖極艷麗各具貞靜之體狄梁公望雲諸葛
武侯草出師表圖皆善寫忠臣孝子之情狀至設色
用墨之不猶人猶其餘事

國朝

馬燧善畫博覽諸家尤愛摩詰晝夜揣摩一旦恍得

其要巧思濬發人物悉佳而山水特絕遠近投絹素
者盈箱不數日而畢或問其何以敏妙如此答曰藝
事亦以學問爲主多觀經史典故熟爛唐詩宋詞則
布局設色自然有本矣

仙釋

劉諷字偉節潁川人師司馬季主服日月精華得道後歸鄉里託形杖履而去真誥云潁川劉偉節漢景帝時公車司馬劉諷也事司馬季主爲入室弟子道成晚歸鄉里託形杖履身死桑樹之下今墓在汝南安城縣見漢書

劉根潁川人隱居嵩山中諸好事者自遠而至就根學其術太守史所以根爲妖收執詣郡數之曰汝有何術而誣惑百姓若果有神可驗則生否則立死矣

禹州志

人物

卷之七

仙釋

三

根曰實無他能頗能使人見鬼耳祈曰促名之使我目覩爾乃爲明根于是左顧而嘯有頃祈亡父母及近親數十人皆面縛在前向根叩頭曰小兒無狀分當萬死顧而叱祈曰汝爲子孫不能有益先人而反累辱亡靈邪叩頭爲吾陳謝祈驚懼悲哀頓首流血請自甘罪根嘿不應忽狀俱去不知所在或云劉根先生修大洞帝乙之道遊宦四方爲政有德晚歸嶽之東峯煉真朝斗服氣而玄化見漢書

李仲甫潁川人漢桓帝時賣筆遼東市一筆三錢如

無錢亦與筆

訾亘初家世博州賦性淳厚平居寡言嘗遊歷濟南
逆旅中遇丹陽真人馬鈺從而師之又往拜長春子
邱處機人稱訾仙翁自號守真子杖履南遊抵釣臺
蓬首垢面衲衣草履滅跡匿影緘口結舌晝則乞食
於市夜則歸于河龕太和間冬大雪丈餘人凍餒多
死先生不出十餘日人以為死矣各執畚鍤欲往埋
瘞除雪視之儼然端坐殊無寒餒之色人方驚訝貞
祐間大兵破關陝犯京師軍民恐懼先生曰無妨必

禹州志

人物

卷之七

仙釋

聖

自穎亭過鄭何少憂懼三日果如其言至大四年久
旱請先生行祈雨醮事立獲霑足金主哀宗駕幸汴
問百官天下城池盡皆攻陷此城獨安其故何也百
官僉對以訾尊師保佑之力也上大喜即日召對問
答如流莫不稱旨甲午正月初七日留遺世頌曰一
念不起萬緣皆空拂袖而去明月清風擲筆而返真
春秋八十有二未及葬翌日城陷矣

李穉年將八十善服氣導引尚書盧損以穉之遐壽
有道術酷慕之穉之修養似可信云

誅茅種藥山衣野服逍遙于隱几之間出則柴車鶉衣自稱具茨山人晚年與同遊五六人于大塊山中古宮觀䟽泉鑿坯爲隱所誓不復出廬時年八十餘齒髮不衰而有壯容釋之修養似可信云

呂仙宋嘉泰元年有張彥者四川綿竹縣人設干道會於州之萬壽宮偶一貧婦敝衣抱一小兒携瓦礫至會所手出二指乞曰可憐俺兩口兒彥曰三口兒待何如婦曰三口却是品字出門將礫擲碎飛出一帖翰墨鮮明其詩曰鉛中養就藥通神永裏丹砂不

記春兩口分明重詔破猶狀不悟洞中賓追之不見彥乃悟爲呂仙也

王芝山名金幼驚敏異常受仙術于白羊山道人一時名公巨卿多師事之明肅皇帝聞其術詔于大內闡三元大丹之旨肅皇愉悅因有王仙之褒勅授太常卿日延三接稱必師公溫旨錫予終肅皇之世者三百餘次金屢進忠款有靈芝瑞龜香山法酒玉樹瓊林仙燈壽香之獻肅皇臨御四十餘年不倦于勤者金之力居多肅皇上賓金亦逡巡棄世人以爲尸

望天門萬里遙歎久忘飛鳳輦袈裟新換袞
百官此日知何處惟有群鳥早晚朝應祥竊帝詩誥
思思知州岑英自言曰我建文皇帝也英大駭聞之
藩司奏上核非真下錦衣獄論死從者十二人戍邊
應祥以僧而代建文死亦異人也見明史紀事本末
寶巖大師姓李氏諱崇閔家世邪之任縣父母徙居
汝南齡年二親俱喪兵變後隨親友還本鄉時年十
八出家叅禮邢臺大士可安菩薩爲師肄習經業修
建塔緣誓曰雁翔二十級須要兔食十萬斤倏狀夜
夢吞鉄佛三尊連三晨覺勇力百倍惟神之助一舉
成就寶相輪象口稱爲鉄菩薩丁未以二親留汝南
淺土收遺骨歸葬本鄉後行化至鈞臺范使君識師
器量標格請住持本州善財寺重修寶塔後化導盛
行祈晴得晴祈雨得雨斃者獲甦病者卽愈感應良
多至元間特賜曰寶巖大師

智廣姓董氏子產里人少有佛性惡其父屠諫之徒
業不從迺入伏牛山從釋苦修十年恍朕有悟歸視
南山東峯可立叢林誓爲之族父封公捐貲助王公

貴人聞風施舍卽舊觀音堂拓爲殿閣禪堂五十餘
間金碧輝煌法像莊嚴又募置贍田十頃度徒十餘
衆鑿山移石剗地種樹爲衆倡年七十餘不倦守戒
律甚嚴催工化之亦不茹葷忽沐浴畢踞跏而化
白雲道人姓李氏不知所自來冬夏俱方巾白袷日
游里閤或醉卧酒肆或酣眠道周人亦求之異也值
天旱禱雨官僚咸在乃登壇作法倏忽雲合命胥役
人持一磚縱飛騎分出四郊極力所止投之雨遂以
是爲界又爲一舊家逐邪邪初猶戲侮之俄聞哀號
乞命乃嚴責而遣之曰汝亦數千年物吾不忍殺汝
也自是遂絕崇禎末道人竟不復見

高州志

人物

卷之七

仙釋

吳

人物志卷之七終

